

DIPOTŠIŠO LE DIKARABO

 Mantšiboa a mabotse, bagwera, go bose go ba fa bošegong bjo. Gomme ke...ka tsela ye se e bilego mohuta ohle o wetše godimo ga ka, e bile ka gobane ke...be ke naganne ka ngwanešu mosong wo, le ka fao gore ke tseba seo ditirelo tše pedi ka letšatši di se rago.

² Gomme ke—ke bile le *ssst* ye nnyane ka mogolong wa ka. Ke rera kudu. Gomme ka gona ka pejana ge ke fihla ka toropongkgolo, moedi wo, magalagapa a mannyane morago go tšwa go mohuta tsoko wa...ye, ba e bitša...Klaemete ye fa ka moeding, e no swara ao a rurugile gampe kudu ke no swanelia go tšwelapele ke metša nako yohle ge ke le fa ka moeding. Gomme ke a tloga, matšatši a mmalwa, e ile. Ke tla morago, a wela morago fase gape.

³ Gomme ke bile mohuta wa go ba le maikutlo bakeng sa Ngwanešu Neville, go tsebeng gore—gore re no mohlomongwe ba kgojana gannyane godimo tseleng go feta se ba bangwe ba lena baisa ba baswa le lego, gomme kafao re lebeletše tsela ye nngwe. Kafao re mohuta wa go kwelana, le gore bontši kudu ge matšatši a thoma go batamela, matšatši a mabe a etla kgauswi. Gomme ka gona go tseba gore re a tloga bjale, thwi bjale, Morena ge a rata.

⁴ Gomme ke gopotše, o a tseba, Ngwanešu Boze o swanetše go ba mo Lamorena le le latelago mantšiboa, ke a dumela. Ke...A o hweditše seo? Ee, gomme Lamorena la go latela mantšiboa. O na le fi—fi filimi a nyakago go e bontšha, ka boromiwa bja gagwe go tšwa mošwamawatle moo...O bile le to—to toro ye e tlilego go yena mengwaga ye mentši ya go feta, ka go tla Chicago. Gomme moisa yo monnyane wa go šokiša o ikwetše a tshwenyega gohle nako ye nngwe, o rile molaetša wa gagwe ga se nke wa ke wa phethagala. Gomme ke e hlalošitše go yena ka fao gore Morena o be a šetše a phethagaditše. Morago o e hweditše.

⁵ Kafao gona Morena o mo file toro ye nngwe. Gomme ka gona ge tlhathollo e etla, ya mmotša fao a yago le seo a swanetšego go se dira. Gomme o ile godimo kua gomme, nna, oo, nna, go ya Kenya le Tanganyika le Uganda, le ditšhaba tsela ka kua, go no ba bothakga se Morena a ba diretše go maboromiwa a bona. Gomme o nyaka go bontšha seswantšho, feela go bontšha se Morena a se dirago magareng ga batho bale, meloko ya Afrika ka pale. Morena ge a rata, ka Janaware, ke nyaka go mo tšoena kua...le bona magareng ga meloko yeo, bakeng sa kopano feela pele ke eya tlase ka Rhodesia le Afrika Borwa gape.

⁶ Gomme, ka gona, leo ke Lamorena le le tlago bošego, kafao elelwang, bjale. Gomme rapedišang Ngwanešu Joseph thata, o

bile ngwanešu yo monnyane yo mokaone. Ke mo lebogile kudu, kopanelo ya gagwe le go ya pele.

⁷ Ka gona, beke ye e tlago ye ya go latela, re a tloga nako yeo go... godimo ka Borwa bja Pines, gomme morago tlase ka Columbia, Carolina Borwa; gomme morago go tloga fao go ya Cow Palace, Lebopong la Bodikela, morago godimo ka Grass Valley; le godimo go Pontšho ya Lefase, le morago go Oregon gape; morago godimo ka British Columbia, le go ya pele, pele le pele go fihla thari lehlabuleng le. Ka gona re a holofela, lehlabula le, Morena ge a rata, go ba le dikopano tše dingwe gape mo, ge Morena a efa.

⁸ Ka gona ke naganne, pele ke tloga, e tla ba selo se sebotse go no botšiša dipotšišo di se kae. Le a tseba, o hwetša se se lego dipelong tša batho ge o botšiša dipotšišo. Gomme kafao nako yeo ke naganne, le a tseba, bošegong bjo, feela mohuta wa go ba le polelo ye nnyane ya pelo go pelo le—le mohlape wo monnyane, wa batho mo, go no—go no bolela le lena go tšwa go—go tšwa go dipelo tša rena. Dinako tše dingwe ke nagana seo se dira gabotse kudu go feta go rera therò, feela mohuta wa go kwešišana seng bokaone.

⁹ Re thabela Modimo ka se re Mmonego a se dira beke ye ka go araba thapelo, e be e itilhaotše kudu. Gomme kafao re leboga kudu, go no leboga kudu.

¹⁰ Gomme re bona nako le bofelo bja nako bo batamela, go tseba gore se sengwe se lokela go direga. Gomme ga go yo motee eupša yo a tsebago yeo ke therešo, ga a le mo—ge a le monagani. Re a tseba, re lebelela go seo go kgabola mabaka, yo mongwe le yo mongwe o e šeditše. Eupša, le a tseba, go na le bontši kudu bo diregago bjale. Re—re a tseba gore go lokile... go ka se kgone go ba kgole. Gomme bjale mohlomongwe ke tla bolela ka tše dingwe tša tše mo dinakwaneng di se kae.

¹¹ Eupša bjale a re, go thoma, re no inamiša dihlogo tša rena bakeng sa lentšu la thapelo. Gomme ge dihlogo tša rena di sa inamišitšwe, ke a makala ge eba go ne se sengwe ka dipelong tša rena, seo re ka ratago go gopolwa ka thapelong pele ga Modimo. Ge e ka ba, e no phagamišetša seatla sa gago godimo. O tla kwešiša, O tseba tšohle ka yona. Feel a kgopelo tsoko yeo o tla ratago go re, “Modimo, nkhopole.” Morena a šegofatše yo mongwe le yo mongwe wa lena.

¹² Tate wa rena wa Legodimong, ge re etla bošegong bjo go batameleng Terone yela ya mogau, yeo Wena ka mogau o re laetšego go tla ka sebete pele ga Terone ya Modimo le mogau wa Gagwe, go kgopela kgopelo ye nngwe le ye nngwe re ka e hlokago. O re boditše ge re ka ba bontši bjalo ka ba babedi goba ba bararo ba tla kgobokana mmogo le go kgobokana Leineng la Gago, gore O tla ba magareng ga rena. Gomme ka gona e ka ba

eng re e hlologetšego, ge re e kgopetše, re swanetše go e amogela
ge feela re ka dumela gore re tla e amogela.

¹³ Wena o tseba maemo a letšatši le maemo a kereke le a batho, le dikgopelo tša rena pele ga Gago. Bjale, O bone diatla, Morena. O tseba dipelo tša batho, le ditlhologelo tša bona le ditlhoko tša bona. Gomme re bona nako e a batamela, ka sekgauswi e kgobokana ka gare bjale, maru a magolo le go dula fase. Dilo tše baprofeta ba di boletšego ka makgolo a mantši a mengwaga ya go feta, re a bona ga se nke tša ke tša direga go fihla nakong ye, gomme fa re e bona thwi mo matšatšing a rena.

¹⁴ Bjale re a rapela, Tate, gore O tla fa go rena ditšhegofatšo tše tseo re di kgopelago. Fodiša balwetši le batlaišwa. Bušetša go kereke ya Gago, Morena, maatla a a phelago a Moya wo Mokgethwa, tumelo ye e phelago yeo re e kgopelago gobane re a dumela. Re dumela gore re a e amogela gobane re ne kgonthe gore ke thato ya Modimo go e fa go rena pele re kgopela. Ga re kgopele šopoding, re kgopela bakeng sa Mmušo wa Modimo, kafao re a rapela gore O tla e fa go rena.

¹⁵ Šegofatša kgobokano ya rena mmogo, modiša wa rena, bašomi ba kereke, motho yo mongwe le yo mongwe, maloko a Mmele wa Kriste ao a lego gona. Bao e sego maloko a Mmele wa Kriste, ba lebeletše lehono go bokhuto felotsoko, ba reka tshireletšo ya pomo bakeng sa jarata ya morago, Modimo, a nke ba tle ka tlase ga tshireletšo ya go šireletša ya Morena Jesu, go tsebeng gore ge bophelo bjo bo fedile go ne Bophelo ka godimo ga bjo. Ke a Go leboga bakeng sa tshepišo.

¹⁶ Re fe karabo ya dipotšišo tše bošegong bjo, gore re ke re kgotsofatše pelo ye nngwe le ye nngwe ka Lentšu la Gago. Ka gore re e kgopela ka Leina la Jesu. Amene.

¹⁷ Go batameleng go tla ga Morena, a netefatšo ye kgolo e lego!

¹⁸ Ke be ke bolela lebakana la go feta, yo mongwe o boletše se sengwe ka *inshore*, Ke be ke na le Banna ba Kgwebo e sego botellele go fetile ka go ye tee ya dikopano tša bona, khonferense ya ditšhabatšhaba. ke nno tsenela e tee, ya selete. Ke bolelela Banna Ba Kgwebo Ba Full Gospel, lefase ka bophara. Gomme ka gona khonferense ye—ye e lego ka go Lebopo la Bodikela, le batsebalegi bohole ba dutše fale go tšwa gohlegohle lefaseng, ka . . . ba apere bjalo le go hlomphega. Yo mongwe wa bona o rile go nna, “Ke kwele yo mongwe a go bitša ‘Moruti.’”

Ke rile, “Ee, mohlomphegi.”

O rile, “Wena o moreri?”

Ke rile, “Ee, mohlomphegi.”

O rile, “O dira eng le borakgwebo ba?”

Ke rile, “Ke—ke nna rakgwebo.”

“Oo?” O rile, “Ke mohuta ofe wa kgwebo o lego ka go wona?”

Ke rile, “Netefatšo.”

¹⁹ O ile a se nkwešiše, a gopola gore ke be ke era inšorense. Kafao a re go nna, a re, “A o na le khamphani efe?”

Ke rile, “Khamphani ya Legodimo.”

O rile, “Ga ke dumele ke tseba yeo.”

Ke rile—rile, “Ke mohuta ofe—ke mohuta mang wa inšorense o o rekišago?”

²⁰ “Ga se nke . . .” Ke rile, “Ga se nke ka bolela *inšorense*, ke rile *netefatšo*.”

O rile, “O ra eng?”

Ke rile:

Netefatšo ye e šegofetšego, Jesu ke wa ka!
 Oo, a tatsopele ya letago le Lekgethwa!
 Mojabohwa wa pholoso, morekwa ke Modimo,
 Motswalwa ke Moya wa Gagwe, mohlatswiwa
 ka Mading a Gagwe.

²¹ Kafao, bosegong bjoo ge ke be ke tsebišwa bakeng sa kgašokgole, ke e boletše. Gomme ke rile, “Bjale, ke—ke na le dipholisi fa ge e ka ba mang wa lena batho fa goba ntle godimo ga naga, yo a nago le kgahlego ka go pholisi, ke tla rata go bolela go e fetša le wena thwi morago ga tirelo. Netefatšo, netefatšo ya go šegofala!”

²² Bjale, ke naganne, go botšišeng dipotšišo tše, gore e ka no mpha patamelo ye nnyane go mogopolu wa lena—wa lena. Ke na le tše pedi. Ge ke etla ka mojako Billy o rile go be go le tše ntši, eupša, mnene, ga se ke hwetše sebaka go di tsitsinkela. Gomme ke nyaka go ba le nnete gore ka Mangwalo ke nepile pele ke e araba, gobane o be . . . o e nyaka go ba ka tsela yeo, goba pele ke e araba. Kafao mohlomongwe nka kgona go swara tše morago bakeng sa nako ye nngwe. Bjale, ye nngwe ya . . . Gomme go arabeng dipotšišo tše bjale, elelwang, ke no dira bokaonekaone bjo ke kgonago.

²³ Ga ke arabe dipotšišo ntle ka ditirelong. Ke e lekile nako ye nngwe gomme ke tsene bothateng. Ba nkwešišeditšethoko. E be e le ka Mna. Allen, goba ka bohlatse bja madi le oli le go ya pele, ka diatleng le sefahlego, e lego bohlatse bja Moya wo Mokgethwa. Ke rile, “Gabotse, ga ke tsebe ka seo,” ke rile, “Ga se nke ka bona e ka ba eng ya yona ka go Lengwalo.” Ke rile, “Eupša ke—ke dumela gore ke tla . . . kgona go rera boka ngwanešu yo, Nka se bee godimo ga maikutlo. Ke no rera Ebangedi,” gomme ka ya pele.

²⁴ Gomme kafao ba hweditše lengwalo, ditšhabatšhaba, “Morategi Ngwanešu Branham . . .” kafao e ile mogohle. Gomme ba nno e kwešišetšathoko. Gomme re ba rometše ditheipi le go ba dira ba e bapale gape le go bona ke . . . Ba boletše gore ke

“sotše monna.” Ga—ga se ka ke. Ga se nke ka sola ngwanešu e ka ba mang. Dinako tše dingwe nka kgona go se dumelane le bona, eupša ke motheong wa segwera.

²⁵ Gomme ka gona mo e sego telele go fetile monna o ngwadile puku ka monna yo, ka, *Go loma ga Bodiabolo*. Ka gona ke naganne e tla ba nako mohlomongwe go lefa goba go mo dira a tsebe. Gomme monna yo a ngwadilego puku o be a swaswaladitše moebangedi yo mongwe le yo mongwe tshemong eupša nna, gomme o be a dutše thwi ka kopanong ya ka, kafao ke rile, “Ga ke leboge...tshwaswalatšo, eupša...” Ke rile...Ngwanešu, gabotse, o e lebogišitše go *Christian Digest*, o boletše gore ke bile yo mongwe yo a sa nkago a tsea meneelo le go kgopela batho bakeng sa ditšelete, le go ya pele ka mokgwa woo, gomme o e thabetše. Gomme monna a dutše fale. Eupša sebaka se ke bego ke tseba gore monna o be a boletše selo se sengwe ka Ngwanešu Allen seo e be e se therešo.

O rile, “A. A. Allen o ngwadile puku ye ya *Go loma ga Bodiabolo*.”

²⁶ Bjale, A. A. Allen ga se a ke a ngwala puku yeo. Ke tsebile mongwadi wa puku yeo. Gomme ke rile, “Bjale, ge monna yo a ngwadilego a be a se a hlokoфala go lekanelo go ya ntle le go hlola godimo go bona ke mang a e ngwadilego pele a swaswaladitše Ngwanesu Allen, ke mohuta wa go dumela tše dingwe tsa tshwaswalatšo ya gagwe ye nngwe ga se tsa swanela baena ba.” Le a bona? Gomme monna a dutše thwi fale a nkemelela. Eupša e be e no ba go mo dira a tsebe gore setatamente sa gagwe se be se fošagetše, le a bona, gore Ngwanešu Allen ga se nke a ngwala puku yela, go ngwala ga *Go loma ga Bodiabolo*.

²⁷ Bjale, go arabeng dipotšišo tše, ke tše kaonekaone tsa tsebo ya ka. Gomme ge...ke tla leka go di araba ka Mangwalo.

²⁸ Bjale, ya pele e hwetšwa, ke a dumela, ka go Bakorinthe ba Pele, tema ya 7 gomme temana ya 15. Kafao bjale re tla leka go ya godimo go Lengwalo lela le go bona se le bogegago boka sona, le go bona ge re ka kgona go thuša motho yo bohlokwa yo yoo a botšišago potšišo. Bjale. Bakorinthe ba Pele, tema ya 7, temana ya 15. Gomme ke a eleletša motho o gona bjale. Bjale tsela še ye E baleago:

Eupša ge yo a sego a nyala a tloga, a a tlogue. Ngwanešu goba kgaetšedi ga a ka tlase ga go tlengwa ka taba ye bjalo: eupša Modimo o re bileditše khutšong.

169. Bjale. **Bakorinthe ba Pele, tema ya 7, temana ya 15.** Bjale potšišo ye ba e botšišitše: **Ngwanešu Branham, a se se ra gore kgaetšedi goba ngwanešu o lokologile go nyala gape?** Aowa.

²⁹ Le a bona, ga o hwetše potšišo ya gagwe fale le se a se boleLAGO. Ga ba lokologa. Le a bona, seo se tla dira thulano ka go Lengwalo, gomme Mangwalo ga a ikganetše onabeng le

gannyane. Le a bona? Bjale, a re... Le a bona, boka o ka dira Lengwalo (feela go baleng temana e tee) wa bolela se sengwe le se sengwe o nyakago go se bolela, go lekanelo mogopollo wa gago. Eupša o swanetše go tšeа kgopolo ye ba bolelago ka yona.

³⁰ Go swana le ge—ge ke be ke bolela le Ngwanešu Neville gomme le—gomme le nkwele ke bolela lentšu, “poto.”

³¹ Gomme ka gona o tla tloga, o tla re, “A le tseba se a bolelago ka sona? Re mo porile bošegong bjo.” Le a bona? “Aowa,” moisa yo mongwe o tla re, “yeo ke phošo, go be go era gore o—o be a kolota sekoloto sa poto, o be a eya go se lefa.” Yo mongwe o re, “Oo, aowa, o be a sa re seo, o be a e ra poto ka lehlakoreng la ntlo.” Gomme moisa yo mongwe o re, “Aowa, ke a go botša eng, ke a dumela o be a leka go bolela ka go bora lešoba.” Le a bona? Le a bona?

³² O swanetše go hwetša poledišano, gona o tseba se o bolelago ka sona, gobane Paulo fa nako ye nngwe o araba potšišo ya bona morago.

³³ Dinako tše dingwe ba re, “Beibele e a ikganetše ka Boyona.” Ke nyaka go e hwetša. Ga e dire. Ke—ke mengwaga ye masometharo pedi ka morago ga phuluphithi, ga se nke ka tsoge ka bona thulano bjale. Le a bona? Ga e ikganetše ka Boyona! Go bjalo... Ke lena le E ganetšago, le a bona, gomme e sego go E kwešiša. Moya wo Mokgethwa ke Moutolli, Moutolli wa Lentšu. Kagona, thulano...

³⁴ Le a bona, Paulo o ngwalela bona batho, a re, “Le botšišitše selo se *sebjalo le bjalo*.” Feela, ga a no re le se botšišitše, o no bolela seo. Ka gona mo o a retologa go dikologa le go di araba morago, seo se lego kgahlanong le se ba se botšišitšeego.

³⁵ Ba botšišitše, “Re dira *bjalo*, le *bjalo*, le *bjalo*.” Gomme Paulo o retologa go dikologa le go bolela se sengwe gape, le a bona, go lebega o ka re ke thulano. Ga e bjalo. Ge le ka no bala temana ka moka, tema ka moka, o tla hwetša gore o—o leka go hhalosa se ba mo ngwaletšeego.

³⁶ Bjale, thwi fa seo se tla lebegago boka se ka fa... Gomme yeo ke tsela ye o hwetšago dithulano ka Beibeleng, eupša ga go bjalo. Bjale, go bonala o ka re, mo, gore motho o nyaka go tseba, goba potšišo ye ba nyakago go e tseba:

A ngwanešu goba kgaetšedi Moreneng, a ka kgona go nyala goba go nyalwagape le go lokologa, ge ba tlogela molekani wa bona go nyala gape? Aowa.

³⁷ Bjale a re tšeeng... go thoma go temana ya 10:

...go ba ba nyetšego ke a laela, efela e sego nna, eupša Morena, (Le a bona?), A nke mosadimogatša a se tlogele monnamogatša wa gagwe: (Le a bona?)

Eupša... ge a tloga, a nke a dule a se a nyalwa, goba a boelanywe le monnamogatša wa gagwe: gomme a

nke monnamogatša a se ke a lahla mosadimogatša wa gagwe. (Yeo ke Melao ya Morena, le a bona.)

Eupša go ka moka go bolela nna, e sego Morena: (Le a bona?) *Ge ngwanešu e ka ba mang a ne mosadimogatša yoo a sa dumelego, . . .*

³⁸ Bjale, šetšang thuto ya gagwe, le a bona. Gomme le bala go theoga pele ga ye, go ya pele go kgabola tema, le hwetsa gore ba naganne, “Ge re nyetše mosadimogatša gomme o be . . . re . . . ke nyetše gomme ka ba modumedi, gomme mosadimogatša wa ka a be a se modumedi, a nke ke mo tlogele.” Oo, aowa. Yeo ga se yona. O ka se kgone go dira seo, Le a bona? Le a bona:

... Ge ngwanešu e ka ba mang a ne mosadimogatša yoo a sa dumelego, gomme o kgahlwa ke go dula le yena, a nke a se mo tlogele. (Yeo ke, e sego ka lebaka la lenyalo, yeo ke ka baka la gosedumele. E sego “go nyagape” gape. Le a bona, dula le yena!)

Gomme ge mosadi yo a nago le monnamogatša yoo a sa dumelego, gomme ge a kgahlwa ke go dula le yena, a nke a se mo tlogele. (Yeo ke nnete! Le a bona?)

Ka gore monnamogatša wa gosedumele o hlwekišwa ke mosadimogatša, gomme mosadimogatša wa gosedumele o hlwekišwa ke monnamogatša: go sego bjalo bana ba lena ba be ba se ba hlweka; eupša bjale ke ba bakgethwa.

Eupša ge wa gosedumele a tloga, mo lese a tloge.

³⁹ Bjale, ge mosedumele a re, “Ga ke ye go dula le wena botelele bjo bo itšego, o bile Mokriste.” Go . . . Monna o botša mosadimogatša wa gagwe, “Gobane o phološitšwe, gomme o ya go tšwela ka ntle ga lefase moo re kilego ra ba ka gona, ke ya go go tlogela.” Bjale, ga se gona o ka kgonago go se dira mabapi le yona, mo lese a tloge. Le a bona?

⁴⁰ Goba mosadi o re go monnamogatša wa gagwe, “Ga ke ye go hlakana le sehlopha sela sa bapshikologibakgethwa. Ga ke ye go dira se! Ke tla arogana le go go tlogela.” O se tlogele kereke, mo lese a tloge. Le a bona?

⁴¹ Ngwanešu goba kgaetšedi ga a ka tlase ga go tlengwa ka taba ye bjalo, ke gore, ge molekani wa gago a go beela kgole gomme a nyaka go E tlogela. Ga se wa swanela go no swarelela go bona. Ge ba nyaka go le tlogela gomme ba ya go le tlogela bakeng sa morero wa Kriste, a nke ba tloge. Eupša o ka se kgone go nyagape! “Eupša Modimo o re bileditše khutšong.” Le a bona? Bjale, e sego gore o ka kgonago go nyagape gape, o šetše a boletše seo, eupša ga wa swanela go phela le monnamogatša wa gosedumele goba mosadimogatša wa gosedumele ge ba sa rate.

⁴² Ge ba rata, e re “Bjale, eya pele kerekeng. Gomme ge o nyaka go ya tlase kua, yeo ke taba ya gago. O nyaka go ya kerekeng

ya gago, o ye pele. Go nna, ga ke E dumele. Gomme ke—ke tla go direla e ka ba eng, nka se eme tseleng ya gago, o ye pele,” gona o no dula fao, go se tsebe gore bophelo bja gago bjo bo hlwekištšwego bo tla hlwekiša modumedi yola, go ba dira ba dumele. Le a bona? Lehlakore e ka ba lefe, monna goba mosadi, le a bona. O . . .

⁴³ Eupsa bjale go no re, “Nna . . . Ngwanešu Branham, ke nyetše gomme mosadimogatša wa ka ke mosedumele, gomme kgaetšedi šo godimo fa nkago mo nyala. Ke ya go tlogela yo mongwe yo le go nyala yola.” Oo, aowa! Aowa, ka kgonthé! Keno ya gago ke go fihla lehu o a arogana, gomme ga se gona gape ka lefaseng se tla go dumelago go nyala (ka Beibeleng) go fihla molekani wa gago a hwile. Yeo ke nnete. Mabala a bona a nnoši! Ga go go nyalagape kae kapa kae le gatee, ntle le molekani wa go hwa. Yeo ke phetho. Le a bona?

⁴⁴ O ka se kgone go Le dira le thulane le Lonamong. Kafao nno balang ditemana pele le morago, gomme le tla swara nako yeo se a bolelago ka sona. Bjale, se se ra fa, e sego . . . Le a bona:

A se ra gore kgaetšedi goba ngwanešu o lokologile go nyalagape?

⁴⁵ Aowa, mohlomphegi. Le a bona, o hlalošitše seo pele. Le a bona:

. . . go ba ba nyetšego ke a laela, efela e sega nna,
eupsa Morena, A nke mosadimogatša a se tlogele
monnamogatša wa gagwe:

Eupsa gomme ge a tloga, a nke a dule a se a nyalwa,
goba a boelanywe le monnamogatša wa gagwe: . . . (Le a
bona?)

⁴⁶ Ga go dilo tše bjalo bjalo ka modumedi e ka ba ofe a kilego a boelanywa go lenyalogape gape, ka molekani wa go phela.

Bjale, ye nngwe še. Ya bobedi e ka mokgwa wo:

170. Ke mohuta ofe wa mmele wo yo mobe a tla bago le ona ka go tsogo ya mafelelo kua go Terone ye Kgolo ye Tšhweu ya Kahlolo?

⁴⁷ Modiradibe yola o tla tsoga ka tsogong go ahlolwa ka mmeleng woo a dirilego sebe ka go ona. Le a bona? O tla swanela go emela Kahlolo ka tsogong.

⁴⁸ Tsogo ga se peolegatong, ke “go tliša godimo seo se ilego fase.” Ge Jesu a tsogile go tšwa bahung, O be a le mmele wa go swana wo o ilego fase, O tsogile ka go mohuta woo wa go swana wa mmele. Re tsoga ka mmeleng wa go swana wo re yago tlase ka go wona; ke tsogo, e sego peolegatong.

⁴⁹ Bjale, Beibele e bolela gore . . . gore re tla ahlolwa go ya ka dibe tše di dirilwego ka mmeleng. Gomme, ge ba babe ba tsoga, o

tla ahlolwa ka mmeleng wa go swana a dirilego sebe ka go wona, selo sa go swana.

171. “Adama o tsebile mosadimogatša wa gagwe Efa; gomme” (lekopanyi) “o imile, gomme a belega Kaine.” Ke dumela tšohle o di rutago, eupša go ba...a nka...Nka araba yo mongwe bjang yo—yo a rego ga se a ima ka morago ga ge Adama a mo tsebile, ka baka la lekopanyi “gomme.” “Adama o tsebile mosadi wa gagwe; gomme a ima, gomme a belega Kaine.”

⁵⁰ Bjale, rena ba bagolo re tseba se “tsebile” go se rago. Bjale, potšišo e mabapi le lekopanyi. Bjale, ge le ka hlokomela, bagwera, le a bona, le—le no se kgone go dira Beibele e bolele selo se tee lefelong le tee le se sengwe se sengwe gape. E swanetše go bolela selo sa go swana nako yohle. Gomme ge o na le Yona e bolela selo se tee mo le se sengwe gape godimo mo, gona tlhathollo ya gago e fošagetše. Le a bona? O ka se kgone go e dira. O ka se kgone go dira Efa a forwa ke sephente gomme morago wa mo hwetša felotsoko gape a forwa gape. Le a bona? Gomme lekga la mathomo o ilego a forwa ke nako ye a go ima. O ka se kgone go mo dira a forwe gabedi.

⁵¹ E nong go ntumelela ke le bontšhe makopanyi a lena. Go baleng Beibele le swanetše go tseba mo makopanyi a lena a yago. *Lekopanyi* le tlema lefoko la lena mmogo. Le a bona? Bjale šetšang se. Bjale, ka go Genesi 1:26, šetšang lekopanyi le, gomme morago le hlaloša se gomme ka gona ke tla le botša ka fao a...ge Adama a tsebile mosadimogatša wa gagwe. Genesi, tema ya 1, gomme go thoma ka temana ya 26. Bjale, theetsang sekgauswi. Modimo o dirile tlholo ya Gagwe bjale, gomme Modimo o dumelletše lefase go tšweletša dilo tša go gagaba le dilo tšohle tšeoj lefase le di tlišitšego pele. Bjale, ka go tema ya 26...temana ya 26 ya tema ya 1 ya Genesi:

Gomme Modimo o rile, A re direng motho ka seswantšho sa rena beng, morago ga rena beng—beng go swana:... a nke bona (monna)...(e sego yena; “bona,” le a bona, bontši) ba be le pušo godimo ga dihlapi tša lewatle, le godimo ga dinonyana tša sebakabakeng, le godimo ga dikgomo, le godimo... (Le bona “le, le, le” le tlema mmogo?)... godimo ga lefase, le godimo ga selo se sengwe le se sengwe sa go gagaba seo se gagabago godimo ga lefase.

Kafao Modimo o hlotše motho ka seswantšho sa gagwe mong, ka seswantšho sa Modimo o mo hlotše; monna le mosadi o ba hlotše (bobedi monna le mosadi).

Gomme Modimo o ba šegofaditše ka morago ga tlholo ya Gagwe, gona, gomme...a re go bona, Tswalang, gomme (gomme) le ate, gomme le tlale lefase, gomme le le fenye:...

⁵² Lekopanyi morago ga lekopanyi la se . . . Motho o swanetše go ata. *Gomme*, morago ga go ata, ka gona a fenyelafase; ke thwi go ya ka Mileniamong. Le a bona? Go lokile, “Fenyang lefase.” Go lokile:

. . . *gomme le be le pušo godimo ga dihlapi tša lewatle,*
le . . . di dinonyana tša sebakabakeng, le godimo ga selo
se sengwe le se sengwe se phelago seo se sepelago
godimo ga lefase.

⁵³ Bjale, Modimo o hlotše motho ka seswantšho sa Gagwe Mong, o hlotše, a nke bona (motho) ba be le pušo godimo ga lefase lohle, ba le fenyelafase le se sengwe, gomme a nke ba dire se le go ba le pušo godimo ga dihlapi tša . . . le se sengwe le se sengwe seo A se dirilego. Gomme ka gona re hwetše, ka go Genesi 2:7 . . . Theetšang se. Ka morago ga ge Modimo a dirile lefase, o hlotše motho, a šetše a mo file pušo godimo ga lefase, a šetše a mo file se sengwe le se sengwe a nago naso, gomme Modimo o ba hlotše, o ba boditše gore ba at- . . . go ata le go tlala lefase, le dilo tšohle tše, gomme ka morago ga ditemana tše šupa tša dilo tše A di feditšeego, le magodimo le lefase le se sengwe le se sengwe, “*Gomme Morena Modimo o bopile motho go tšwa leroleng la mobu.*” “Gomme!” Šo Yena (“gomme” *lekopanyi*) o dira motho yo A šetšeego a mo dirile. Le a bona? O dira motho:

Gomme . . . (go tlema lefoko la Gagwe mmogo) . . .
Modimo o bopile motho go tšwa leroleng la mobu,
gomme a hemela (mohemo) ka mašobeng a nko ya gagwe
mohemo wa bophelo; gomme motho o bile soulo ye e
phelago.

⁵⁴ Bjale, naganang ka seo! Morago ga ge A dirile motho (basadi le banna) ka go Genesi 1:26 go ya go 28, O dirile motho ka seswantšho sa Gagwe Mong, o mo hlotše le go mo fa . . . go fenyelafase le go mo fa maatla ohle a le se sengwe le se sengwe, gomme efela ga se A šo a hlola motho golebjalo.

⁵⁵ Le a bona, Sathane o be a šetše a forile Efa. Nnete, Adama o mo tsebile, eupša o be a šetše a forilwe. Gobane thwi morago fa o . . . ge ba . . . pele ba etla . . . Ge ba etla ka kahlolong, O rile . . . gomme Modimo a ba tliša mmogo le go re, “Ke mang a dirilego se?” A ba botšiša potšišo.

Adama o rile, “Mosadi yo O mphilego.”

Gomme mosadi o rile, “Sephente e mphorile.”

⁵⁶ Gomme Modimo o beile thogako godimo ga bona, le se sengwe le se sengwe boka seo. Gomme *morago* Adama o tsebile mosadimogatša wa gagwe, le a bona, morago ga ge a šetše a forilwe gomme a ba mme. Go no swana le ge Modimo a dirile motho moragorago mo ka go Genesi 1:26 gomme efela o be a se šo a bopša nako yeo. Le a bona? Go lokile.

⁵⁷ Bjale šetšang, a re yeng tlase fa gomme re baleng, gape:

Gomme Adama o biditše mosadimogatša wa gagwe . . . Efa; gobane o be a le mmago dilo tšohle tša go phela, tšohle . . . goba mmago tšohle di phelago. O biditše mosadimogatša wa gagwe . . . o biditše mosadimogatša ka gobane o be a le . . . goba mosadi ka gobane o be a le . . . go dilo tšohle tša go phela.

Gomme go Adama le yena le go mosadimogatša wa gagwe MORENA a . . . dira dijase tša letlalo go ba khupetša.

⁵⁸ Bjale, bjale hlokamelang ka go Genesi gape, 1:21, Modimo o hlotše dihlapikgolo ka lewatleng. O dirile se sengwe le se sengwe, gomme a dira tlholo, a dira motho ka seswantšho sa Gagwe Mong. O dirile motho, e sego “mo” motho, motho ka moka, bohle ba bona ka seswantšho sa Gagwe Mong. Le a bona? Gomme ka morago ga seswantšho sa Modimo O ba hlotše; monna le mosadi, o mo hlotše bobedi ka mokgwa woo.

⁵⁹ Gomme bjale re hwetša, godimo fa gape, ka morago ga ge A dirile motho ka seswantšho sa Gagwe Mong, ka morago ga ge A mo hlotše godimo fa monna le mosadi, mo O dira motho go tšwa leroleng la lefase.

⁶⁰ Gomme ka gona, morago ga ge A dirile seo, morago ga ge A mo dirile monna le mosadi, morago O tla morago mo le go mo direla mosadi, ka morago ga ge A šetše a mo dirile. Le a bona?

⁶¹ Le a bona, lekopanyi la gago le bofaganya lefoko leo mmogo. Go no swana le ge e boletše, bjale, *mo*, “Modimo o hlotše motho ka seswantšho sa Gagwe Mong, morago ga go swana le Yena O mo hlotše,” ke Modimo a bolela ka dikgopolong tša Gagwe, ka monaganong wa Gagwe, se A bilego le sona. *Fa ke moo ka kgontha A dirilego modiro.*

⁶² Jesu o be a le Kwana ye e hlabilwego go tloga motheong wa lefase; O be a se a hlabja lebaka la mengwaga ye dikete tše nne morago ga fao. Le a bona?

⁶³ Kafao sephente e forile Efa. Yeo ke therešo. Gona ka morago ga ge kahlolo e beilwe, morago Adama o tsebile mosadimogatša wa gagwe. Gomme ka gona a ima gomme a belega morwa, Kaine. Le a e hwetša? Le a bona, lekopanyi le no tšwelapele go se Adama a se dirilego, e sego se se dirilwego pele ga Adama.

⁶⁴ Gomme lebelelang mo, ge le ka rata go rwalela seo ntle, ka go setatamente se segolo sela mo, Ke a dumela re e hwetša godimo fa ka go . . . gomme fa ka go tema ya 4, ke a dumela ke yona.

Gomme Adama o tsebile . . . mosadimogatša wa gagwe; gomme a ima, gomme a belega Kaine, gomme (lekopanyi) a re, ke hweditše monna go tšwa go MORENA.

⁶⁵ Ka gona gabotse e be e se Adama, e be e le morwa wa Modimo ka yona. Le a bona? Le a bona? Ge o nyaka go bea lekopanyi la gago moo, le a bona (“gomme” gape), “Ke hweditše motho go

tšwa go Modimo.” Ka gona a bolela gore Modimo o mo fa selo sela sa go kgetholla se bitšwago Kaine. Mothopo wola wa bobe bjohle le tšhila le dilo tše Kaine a bilego natšo, o tšwa go Modimo? O ka se kgone go ba! Le a bona? O ile a forwa ke sephente, gomme sephente . . . o be a šetše a bile mme. Morago Adama o mo tsebile, nnete o dirile, o ile le go phela le yena bjalo ka mosadimogatša, eupša o be a šetše a swanetše go ba mme wa ngwana yo.

⁶⁶ Gomme ka gona ge mafelelong morwa wa Adama a tswetšwe, o be a le yo bonolo, yo bose, wa go kokobela, motho yo boleta bjalo ka Adama.

⁶⁷ Eupša moisa yo, maaka ale a go sek a kae, sebe sela se tšwa kae? Moisa yo o dirile kae, Kaine, mmolai yola? Gomme Beibele e boletše gore “Diabolo ke mmolai.” Maaka ale a tšwa kae? (Diabolo ke tatago maaka; ke moaketši le tatago maaka.) A ile a swanelo go tla go tšwa go mothopo wo mongwe ka ntle ga Modimo. Kafao Kaine o be a le yo mobe, gomme tatagwe o be a le Sathané; gomme o belege yo mobe.

Gomme ka gona, nnete, Adama o tsebile mosadimogatša wa gagwe, kgonthe.

⁶⁸ Gomme, ya, mohlomongwe ge o boletše ka mokgwa wo. Nka no re, go itšea nnamong, gabotse, bjale, Rebekah o belegwe, gomme morago ga lebakana go tla go bapa . . .

⁶⁹ Ke be ke bala letšatši le lengwe kanegelo ya Josefa, gomme ke be ke thantshetšwe kudu ka go kanegelo ya Josefa. Ke ile godimo ka kutamong ye nnyane gomme ka khunama fase, godimo kua ka Minneapolis, gomme ka re, “Morena Modimo, ke Go leboga bjang bakeng sa monna boka Josefa!” Gomme ke naganne, “Ge nkabe ke ke . . . Duma nkabe ke rereletše Billy Paul, ‘Joseph,’ ka morago ga semelo se segolo sela sa go hlomphega.” Ga go leswao le tee kgahlanong le yena e ka ba kae ka Beibeleng, sekai sa go phethagala sa Kriste ka tsela ye nngwe le ye nngwe. Ka gopola, “Ke be nka rata bjang . . .” Ka re, “Oo, ge nkabe ke na le mošemané, ke be ke tla mo reela ‘Joseph.’”

⁷⁰ Gomme feela nako yeo Seetša sela se tlie sa sepelela ka moagong le go re, “O tla ba le morwa gomme wa bitša leina la gagwe ‘Joseph.’”

⁷¹ Ke tsebile mosadimogatša wa ka, nnete, o belege Sarah. Morago ke tsebile mosadimogatša wa ka *gomme* a belega Joseph. Le bona se ke se rago? Le a bona, ga se e be le selo go dira le ya pele. Tshepišo ya Modimo e bile “Joseph,” Sarah a tla gare ga yeo. E sego go bea Sarah ka go mohuta wola wa bothata, eupša feela go le bontša se ke—se ke se rago. Le a bona, gore . . . Sarah o be a rometšwe ke Modimo, le yena. Gomme kafao gona re tseba seo.

⁷² Bjale, eupša, le a bona. Modimo, ge A fetiša kahlolo godimo ga Adama le Efa, o šetše a dirile sebe pele A ka fetiša kahlolo. Gomme, theetšang, a le kile la tseba gore ngwana wa mathomo a kilego a tswalwa lefaseng o “tswetšwe ka sebeng, a kgolokelwa

bokgopong, a tla lefaseng a bolela maaka”? Yena wa mathomo yoo a kilego a tswalwa o tswetšwe ka tsela yeo, gobane . . .

⁷³ Le re, “Go reng ka Adama le Efa?” Ga se ba tswalwa. Ba hlotšwe. Le a bona?

⁷⁴ Eupša ngwana wa mathomo a kilego a tla o tswaletšwe ka sebeng, kafao e swanetše go ba mothalo woo. “Motho yo a tswetšwego ke mosadi ke wa matšatši a se makae le go tlala ka bothata.” O tswetšwe ka sebeng. Ke ka baka leo a swanetšego go tswalwa gape, le a bona, ka Moya; e sego ka *kgopolو* ya semoya; ka Tswalo ya semoya, le a bona, seo se a mo tsošološa, go mo dira sebopiwa se seswa. Motho wa pele o tswetšwe o tswetšwe ka sebeng.

⁷⁵ Gona, go swanetše go ba yo Motee a tlagoo ntle le thobalano. Bjale, ge thobalano e se selo sa pele, gona gobaneng ba ile ba swanela go ba le yo Motee ka go thobalano go lopolla morafe ka moka wa batho? Go baneng A se a no tliša yo motee go theoga mekgoba le go re, “So Yena wa moloki yoo a *naganago gabotse*”? E ile ya swanela go tla ka thobalano, go tla ka mosadi, gobane ke moo e tšwago lefelong la pele. Ka thobalano, o tlišitše goseloke; gomme ka thobalano, o tlišitše Toko. Le a bona? Modimo, ntle le bootswa, ntle le tumo ya thobalano, o tlišitše pele Jesu Kriste ka go ima ga makgethe, ka go okamela Maria ka moriti le go hlola ka go yena Lesea le; leo le tlagoo ka thobalano. Gomme, ka seo, Madi a Gagwe a Makgethwa o lopolotše moloko ka moka wo o welego. Le a bona? Kafao go swanetše go ba, ga go tsela ye nngwe bakeng sa yona.

⁷⁶ Motho yo mongwe le yo mongwe yoo a tswetšwego ke mosadi o tlemeletšwe lehung, o hwile ge a tswalwa. Yeo ke nnete.

⁷⁷ Ke ka baka leo ke bego ke bolela letšatši le lengwe gore ka fao re nago le netefatšo yela ya go šegofala bjale.

⁷⁸ Ge Israele . . . A ga se yona . . . ke bolela dilo tše dintši kudu tše di se nago selo go yona, eupša dinako tše dingwe Morena o mpha se sengwe gomme se no ntsikinya. Kafao ge A mphile seo, se ntsikintše go feta e ka ba eng nkilego ka ba le yona mo mengwageng. Ge A mphile seo letšatši le lengwe, ge ke bone gore Israele, lekgoba, ga se e be le legae, bana ba Modimo. Ba lahlela ka gare borotho bja go uta, eng kapa eng ba nyakago! Oo, ge ba be ba ka kgona feela go ba le legae moo ba ka kgonago go phela ka khutšo, ba golela bophelo bja bona ka kudumela ya dintšhi tše bona!

⁷⁹ Gomme, letšatši le lengwe, go tla fase go tšwa lešokeng go ttile moprefeta, a hlahlwa ke Pilara ya Mollo, gomme o ba boditše ka naga ya tshepišo. Ga go yo a kilego a ba fao, ba be ba sa tsebe selo ka yona. Eupša e be e le tshepišo. Godimo ga yeo ba dumetše gomme ba latetše moprefeta yo go fihla ba fihlile kgauswi le naga ya tshepišo.

⁸⁰ Nako yeo go ne hlatse e bitšwago *Joshua*, ye e rago “Jehofa mopholosi,” o tsheletše mošola wa Jorodane ka nageng yela, gomme a bowa morago le bohlatse gore naga yela e be e no ba tlwa se moprefeta yola a rilego e be e le Lentšu la Modimo. Ba be ba na le mokgotho wa diterebe, o tšere monna ba babedi go o rwala, gomme ba kgonne go latswa kenywa ya setlogo go tšwa nageng. Ga go yo a tsebilego naga e be e le gona, ba nno e dumela. Ba sepeletše ntle ka tumelo gomme ba e dumetše.

⁸¹ Bjale ge ba abetšwe naga ya bona, ba be ba thabile bjang! Yo mongwe le yo mongwe o be a ka kgona go phela ka khutšo, a ba le serapa sa gagwe se sennyane, a ba le bana ba gagwe le se sengwe le se sengwe. Eupša, efela, botšofadi mafelelong bo mo hweditše, gomme lehu le mo rakeletše gomme le mo tšere.

⁸² Ka gona go theoga go tšwa go mekgoba ya Legodimo, ka mosadi, go tlie Mohlabani yo mongwe yo mogolo, yo mogologolo go bohole ba bona, Modimo ka Boyena a dirilwe go bonagala nameng, Jesu Kriste. Gomme O boditše Israele a batho ba bagolo ba bilego, eupša lehu le ba lebantše, O rile, “Eupša Ke le botša ka naga ye nngwe. Ka Ntlong ya Tate wa Ka go ne dintlokgorparara tše ntši. Ge go be go se bjalo nkabe Ke le boditše. Le thabile ka nageng ya lena, le na le magae a lena, le na le bana ba lena. Eupša le boloka yo mongwe le yo mongwe ntle mošola gomme go bonala eke go ba bofelo.”

⁸³ Jobo o e bone, a re, “Ge mohlare o ehwa, o phela gape. Eupša motho o robala fase gomme o neela moyo, o kae? Barwa ba gagwe ba tla go mo hlompha gomme ga a e bone. Oo, gore O ka nkuta lebitleng, wa mpoloka lefelong la sephiri go fihla bogale bja Gago bo fetile!” O rile, “Ge motho a ehwa a ka phela gape?”

⁸⁴ Mengwaga ye dikete tše nne pele ga fao, ba be ba lebeletše se sengwe ka godimo ga lebitla lela. Dilo tšohle tše kgolo Modimo a ba fago, legae, lapa le bana, le kereke, le se sengwe le se sengwe, le baprofeta, le monna yo mogolo godimo go nako ye, eupša efela yo mongwe le yo mongwe o hwile gomme o ile lebitleng la gagwe. Eupša mo go tla yo Motee gomme a re, “Ka Ntlong ya Tate wa Ka go na le dintlokgorparara tše ntši, gomme Ke tla ya go le lokišetša lefelo.” Boka Joshua, O kopane le Kadesē-banea ya Gagwe.

⁸⁵ Ge Israele e etla Kadesē-banea . . . Gomme Kadesē e be e le setulo sa kahlolo sa lefase ka nako yeo, didiba tše šupago go tšwa go sediba se segolo bogolo, se rago kahlolo, boka Ntlo ya Modimo le Dikereke tše di yago ntle go tloga go Yona. Gomme Joshua, go tšwa Kadesē-banea, o kgabaganyeditše mošola ka nageng ya tshepišo go tliša bohlatse morago.

⁸⁶ Bjale, Jesu o kopane le *Kadesē* ya Gagwe. E be e le eng? Setulo sa kahlolo! Se be se le kae? Mo Khalibari, moo Modimo a Mo ahlotšego bakeng sa dibe tša lefase. Ba dirile eng? O kopane le lehu, moputso wa Modimo. Go boelanya badiradibe go Modimo,

O hwile lehu gomme a tshelela mošola wa noka ya Jorodane (ya lehu). Ba Mmolokile.

⁸⁷ O hwile go fihla ngwedi le dinaledi di lewa ke dihlong ka tšonabeng. O hwile go fihla lefase le bile le mororomelo. Le šikinyegile go fihla maswika a kitima go tšwa dithabeng. Le šikinyegile go fihla dinaledi di sa phadime, ngwedi ga se wa phadima, gomme letšatši le ile tlase bogareng bja mosegare. O hwile! A hwa bjalo go fihla Moroma a tšere lerumo la boima bja lesome gomme a le tsetsemetša ka go felela go kgabola pelo ya Gagwe; meetse le Madi. O be a hwile! O tshetše Jorodane. Gomme ba Mmeile ka lebitleng le go tokolosa le—le leswika kgahlanong le lona, go tšere banna ba lekgolo go e dira. O be a hwile! Ba beile leswao la Roma go lona.

⁸⁸ Eupša mosong wa Paseka O tlie morago go tšwa go kgabaganya Jorodane, gomme o rile, “Ke nna Yo a bego a hwile; gomme ke phela gape go ya go ile!”

Ba bangwe ba bona ba rile, “Re bona moyā.”

⁸⁹ O rile, “Mphopholeng. A moyā o ne nama le marapo boka Ke natšo?” O rile, “Le na le e ka ba eng go ja? Ntlišetšeng se sengwe.” Gomme ba Mo fa hlapi le borotho. Gomme O bo jele. O be a le Motho!

⁹⁰ O be a le eng? Go tliša bohlatse morago gore go ne Naga ye re yago go yona. O dirile eng? Yena, boka Joshua, O tlišitše bohlatse bja Yona. O rile, “Bjale, ge le nyaka bohlatse bja Yona, ‘Sokologang, yo mongwe le yo mongwe wa lena, gomme le kolobetšweng Leineng la Jesu Kriste bakeng sa tebalelo ya dibe, gomme le tla amogela Moya wo Mokgethwa.’ Bjoo ke bohlatse bjo bo Ntsošeditšego godimo. Ke tla le fa Tiišetšo ya bohwa bja lena.” Gomme ka gona go diregile eng? Ka Letšatši la Pentecost Moya wo Mokgethwa o tlie godimo ga modumedi.

⁹¹ Bjale re dira eng? Re ipolela dibe tša rena, re itšea renabeng go hwa, go bolokwa le Yena ka kolobetšong, go tsošwa le Yena ka tsogong ya Gagwe. Go dira eng? “Go dula ka mafelong a Magodimong le Yena.” Moo ke mo re lego bošegong bjo, re dutše (e sego mmeleng) semoyeng, menagano ya rena, megopolو ya rena, disoulo tša rena di kgole go feta matshwenyego a lefase gonabjale. Ke rena eng? “Ka mafelong a Magodimong ka go Kriste Jesu.” Re tsena bjang ka go Ona? “Ka Moya o tee,” Bakorinthe ba Pele, tema ya 12, “ka Moya o tee bohle re kolobeletšwa ke Moya wo Mokgethwa ka go Mmele o tee wa badumedi.” Mmušo wa Modimo wa sephiri!

⁹² Ka kua re lebelela morago gomme re bone mo re bego re tlwaetše go aketša le go utswa le go radia le go kgoga le go dira dilo tše di fošagetšego. Re tsogile go tšwa go tše. Re ka mafelong a Magodimong. Ke eng? Bohlatse gore letšatši le lengwe re tla ba le mmele boka mmele wa Gagwe Mong wa letago. Ke bohlatse

tlwa bja tsogo, ka baka la gore, ka go kgonagala, re šetše re tsogile le Yena, ka kgonagalo re šetše re hwile.

⁹³ William Branham yo a bego a phela ga a sa phela gape, o be a hwile mengwaga ye masometharo le metšo, bjale ke sebopša se seswa. Orman Neville yoo a bego a phela ga a sa phela gape, o hwile mengwaga ye mentši pele ga fao, se ke sebopiwa se seswa. Orman Neville o hwile, mo—mo mokatiši wa pere, lekempolara, goba e ka ba eng a bego a le sona, monna yo gatee a kilego a phela o hwile. Ga ke tsebe, Ngwanešu Neville o be a se seo; eupša e ka ba eng e bilego, o ne molato wa yona yohle, “Molato go tše nnyane ke molato go tšohle.” E ka ba eng o bego o le, o modiradibe, seo ke se o lego sona.

⁹⁴ Gomme o hwile gobane o rata dilo tša lefase. Gomme ge feela o sa rata lefase, ga go kgathale gore o ipolela gakaakang go ba godimo *mo*, ga o godimo fa, o tlase *fale* le bjale. “Yo a ratago lefase goba dilo tša lefase, lerato la Modimo ga se le šo la tsena ka go yena.”

⁹⁵ Eupša ge o rotogela godimo ga seo go dilo tša Legodimong gona bea marato a gago go dilo tša godimo, gobane o tsogile le Kriste gomme bjale o dutše mmogo ka mafelong a Magodimong. E no netefalatšwa, ga go selo se ka go šulafatšago, ga go selo. Ebile le lehu lonamong ga le ne . . . le ka se kgone go dira selo go wena. O šetše o kgwapareditše ka go Kriste. Netefatšo, Tiišetšo, peeletšo e šetše e tlišitšwe, o E amogetše. Le dirile eng? Le tsogile le Yena ka tsogong.

⁹⁶ Lebelelang morago moo nkile ka ba gona. Bjale ke ka godimo ga seo. Gobaneng? Ka mogau wa Gagwe O mphagamišitše, gomme ke nna yo bjale ke dutše mafelong a Magodimong ka go Kriste. Oo, nna! Ke lena bao. Ka gona Beibele e ba Puku ye mpsha. Ka gona le E bala ka mahlo a semoya le kwešišo ya semoya. Ka gona le bona maina le mašala, gomme ka gona le bona magahlano . . . le makopanyi, ke ra gore, le go ya pele, ka Beibeleng.

⁹⁷ Oo, moo E rego . . . Ba re, “E ikganetša ka Boyona”; o fase *mo* o a bala. Rotogela *fa* gomme o E bale, Go a fapano nako yeo. O a bona? Yeo ke nnete. Nnete, Go ra selo ka moka se seswa ge o E bala ka Moya. Ee.

Potšišo ye nngwe ye ka kgonthe ga se potšišo, e no re:

172. Ke phetše mengwaga ye mentši ka sebeng go fihla ke hweditše Morena. Hle, Ngwanešu Branham, ke dirile sebe gape gomme ga ke na le maswanedi go tla pele ga gago ka lefelong le lekgethwa. Hle mpotše ge eba nka kgonagala go bušetšwa gape ka moka. Hle nthuše, Ngwanešu Branham, ke na le diabolo ka go nna. Nthuše! A o ka bea diatla tša gago godimo ga ka gomme la mpušetša gape?

⁹⁸ Bjale, go na le potšišo, ga se nke ka e lemoga ge ke e bala nakwana ya go feta. Go na le potšišo. Bjale, ge motho yola a le gona . . . A nke ke no e bala go lena:

Ke phetše—ke phetše mengwaga ye mentši ka sebeng go fihla ke hweditše Morena. Hle, Ngwanešu Branham . . . (O a bona?) . . . Ke dirile sebe gape gomme ga ke na maswanedi go tla pele ga gago ka lefelong le lekgethwa. Ka kgopelo mpotšeng ge nka kgonona go bušetšwa ka moka gape. Ee.

⁹⁹ Ga se wa ke wa dira sebe, mogwera wa ka, bokgole bjo ka go Modimo eupša seo o ka kgonago go bušetšwa. Ge o dirile sebe bokgole bjoo gore o se kgone go bušetšwa, o ka se tsoge wa *nyaka* go bušetšwa. Le a bona? Le a bona? Eupša ge feela go na le Sengwe se amanago le pelo ya gago, o sa le ka mothalong wa pušetšo.

¹⁰⁰ “Molato go tše nnyane ke molato go ka moka.” Ke dirile sebe makga a mantši, letšatši le lengwe le le lengwe yo mongwe wa rena o dira dilo tše re sa nyakego go di dira.

¹⁰¹ Go ka pelong ya rena . . . Ga o nyake go ba ka tsela yeo goba o ka se botšiše potšišo ye. Le a bona? Yeo ke netefatšo ka boyona gore Modimo o sa šoma le wena. Go molaleng gore o na le letšhogo, go molaleng Sathane o a go botša gore o ka se kgone go bušetšwa. O a aketša, mnete, ke yena. Gobane, lebelelang, ge go na le botebo, bo bitša, go swanetše go ba Botebo go arabela go pitšo. Ge go na le tlala bakeng sa Sengwe, gore Sengwe se swanetše go ba felotsoko goba o ka se be le tlala bakeng sa Sona. Le a bona?

¹⁰² Bjalo ka ge ke boletše bontši bja nako. Pele hlapi e eba le lefegwana mokokotlong wa yona, go be go swanetše go ba meetse pele go yona go thutha ka go ona goba e be e ka se be le lefegwana. Pele go eba le mohlare go mela lefaseng, go ile gwa swanelo go ba lefase pele pele go eba mohlare, ka baka la gore lefase le swanetše go ba la pele gore mohlare o mele.

¹⁰³ Bjale, pele go ka ba tlholo, go swanetše go ba le Mohlodi go hlola tlholo. Le bona se ke se rago? Bjale, ge feela o nyaka le go swarwa ke tlala go tla morago go Modimo, go na le Modimo felotsoko o bitša wena, o a bona, goba o ka se swarwe ke tlala. Go na le Mohlodi!

¹⁰⁴ Bjale, ge le . . . Go na le lefelo leo o ka kgonago go tshela moo o ka se kgonego go ya morago, eupša ge yoo e le wena tlase fale gape ka sebopego sa go swana o bilego. Go ya go bontšha gore o *wele* feela go tloga go mogau. Go kgelogaga se go *lahlega*. Ke nyaka yo mongwe go mpotša moo go kgelogaga e lego go *lahlega*, le go e netefatša go Beibebe. Mokgelogi ga se a *lahlega*, o no ba ka ntle ga kopanelo.

¹⁰⁵ Israele e kgelogile eupša ga se nke ba loba kgwerano ya bona, ba *lahlegetšwe* ke ditumišo tša bona—tša bona le thabo.

¹⁰⁶ Dafida o lahlegetšwe ke thabo ya phološo ya gagwe ge a tsere Batseba, mosadimogatša wa Uria, eupša ga se nke a lahlegelwa ke phološo ya gagwe. Ga se nke a re “bušetša go nna phološo ya ka,” o rile, “Bušetša go nna *thabo* ya phološo ya ka.”

¹⁰⁷ Oo, go na le bontši kudu bja bomolao bjo lehono, “se kgwathe, se latswe.” Ga o dire dilo ka semolao.

¹⁰⁸ Ga se ka tla go kereke ye bošegong bjo ka semolao. Ke ikwela go lapa, ke—ke—ke be ke tšhogile, ke nyamile, ke makala ka se sengwe se lego ntle pele ga ka, pelo ya ka e a swa, ebile go le bjalo bontši pelo ya ka e sa fafatla. Ke na le bogatšu, bohloko, thwi ka motsotso wo, go no thunyetsa morago le pele, godimo le fase go kgabola *mo*. Go fokola, go tšhoga, go roromela; go swara *mo* le go pitletša; ke na le menwana ya ka e pitlagane godimo ka dieteng tša ka. Ke ikwetše e ka ba eng eupša go tla tlase fa. Gobaneng ke tlie, gona? Gobane ke rata Modimo. Go phela goba o hwe, ke swanetše go ema fa bakeng sa Gagwe. Ga se ka gobane ke swanetše go. O be a ka se tshwenyege mabapi le ge eba ke dirile goba aowa. Ke tla . . . Ge nka hwa ke tla ya Legodimong, go le bjalo. Eupša ke a tla gobane ke a Mo rata. O direla Modimo ka gore o a Mo rata, e sego ka baka la gore o swanetše go no e dira. Ka baka la gore o Mo rata go lekanelia!

¹⁰⁹ Ga ke botege go mosadi wa ka gobane ke boifa o tla ntlhala. Ke a mmotegela gobane ke a mo rata. Ga go mosadi yo mongwe ka lefaseng eupša yena. Ke ka baka leo ke mmotagalelago. E sego ka gobane . . . Ge ke dirile phošo gomme ba naganne ke dirile se sengwe sa phošo, ka tla go yena, ka re, “Meda, hani, ke be ke sa re go dira seo.” O be a tla ntshwarela bakeng sa yona, ke a tseba o be a tla dira. Ke tla mo swarela; ke a mo rata. Eupša ke—ke tla mo swarela; o tla ntshwarela. Eupša nka se e dire bakeng sa lefeela, ke mo rata kudu go e dira. Ga se ka gobane ga se ke nagane o tla ntshwarela, ke kgopolole gore ke mo rata kudu go e dira lefelong la pele. Gomme ge feelsa ke mo rata ka mokgwa woo, nka se tsoge ka e dira; gomme ge a nthata ka tsela ye a swanetše go be, le yena a ka se ke.

¹¹⁰ Gomme o rata Morena ka pelo ya gago yohle, ga wa swanela go tshwenyega ka dilo tše. Ge o dira phošo, ga o dire sebe ka boomo, o no dira se sengwe sa phošo. Le a bona, o thedimogetše morago. Therešo, be o le godimo fa ka kopanelong, o wetše morago fase ka go tlhagaraga fase mo gape.

¹¹¹ Eupša ke eng? E no swana le ntš—ntš ntšhu. Nako ye nngwe ke bone . . . godimo fa ka Serapeng sa diphoofolo sa Cincinnati, ke tsere Sarah gomme ke be ke theogela fale. Ge eba e ka ba eng ke bonego seo se nkgobatša, ke go bona se sengwe se tswaleletše.

¹¹² Ke no se kgone go kgotlelela go bona e ka ba eng ka serobeng, ebile le dinonyana tše nnyane. Gomme ke a tseba lena basadi le na le tšona dinonyana tše nnyane, le di buleleng.

¹¹³ Ge ke be ke sa le mošemane yo monnyane ke be ke fela ke bolela, “Ge nka tsoge ka hwetša sebaka, ge ke fihla go ba monna, ke tla ngwegela ka ntlong ye nngwe le ye nngwe gomme ka lokolla bona baisa ba bannyane ba go šokiša.” Ee, mohlomphegi. Ke rile . . . O dutše godimo kua ka letšatšing la go fiša, gomme bona ba re, “Haha, haha, haha,” gomme mosadi ntle felotsoko mo mathuding a kgoga sekerete, gomme nonyana yela ya go šokiša ye nnyane e dutše fale e eswa. A ka se kgone go dira selo ka yona, o swanetše feela go dula fale. Gomme o be a se a tswalwa bakeng sa seo! Ka gopola, “Šaatena, ge nka kgona go thellela godimo kua gomme ka mo ntšhetša ntle, a ka se be fao botelele kudu.” Le a bona?

¹¹⁴ Ke hloya go bona e ka ba eng e tswaleletšwego. Ke hloya go bona monna o ipitšago *Mokriste* yenamong nako yeo a tswalelewase fase ke mohuta wa thutotumelo ya kereke, “Nka se kgone go re, ‘Amene.’ Ga—ga ke kgone go dumela ka go *Leo*. Modisa o re, ‘O se ke wa Le dumela.’” Oo, nna, mmalo! O tswetšwe o lokologile.

¹¹⁵ Gona go reng ka ntšhu ye kgolo? Ke nonyana ya legodimo. O phela godimodimo ga maru. Fao ke mo a yago mosong. Tsela godimo kudu, ga go selo gape se ka kgonago go mo latela! E sego nonyana ye nngwe . . . o tla šwalalana moyeng ge a lekile go mo latela. Ke nonyana ya go dirwa ka go ikgetha.

¹¹⁶ Gomme ka gona yo mongwe o mo swere ka molabeng wa madirwa ke motho, o be a swere ntšhu ye kgolo ye le go e bea ka serobeng se. Gomme moisa wa go šokiša wa kgale . . . ke mo lebeletše gomme pelo ya ka e nno swa. O lebeletše ka lehlakoreng lela ka mokgwa *wola* gomme ga se a tsebe a tšwe bjang ka serobeng sela. O be a tla no fihla go kgabaganya kua, gomme o—o tsebile ka fao a bego a tla tloga, gomme o be a tla thoma go pokapokiša diphego tša gagwe. Gomme mo o be a tla ya, o be a tla thula hlogo ya gagwe kgahlanong le mapheko le go itia mafofa go tšwa letsogong la gagwe, mafofa a lefego mo, le gohle go kgabaganya hlogo ya gagwe, go fihla e etšwa madi. O thutše lepheko lela thata kudu le tla mo rathela thwi morago mokokotlong wa gagwe. Gomme o be a tla robala fale le go tekola wona mahlo a go lebega go lapa, a lebelela godimo thoko ya leratadimeng lela, “Fao ke mo ke lego wa gona. Legae la ka šele. Moo ke mo ke tswaletšwego gona. Eupša, lebelela, gare ga ka le kua go na le serobe. Gabotse, selo se nnoši ke se tsebago, ke beile monagano wa ka go sona gomme šefa ke a tla,” le “thwa,” o tla ya thwi morago gape.

¹¹⁷ Ke naganne, “Oo, nna, a seo ga se šiiše! Ke duma ba ka mo rekišetša nna. Ke be ke tla rekiša Ford ya ka go mo reka, le a bona, go no mo tlogela a tlemologile.” Le a bona? Oo, e ntirile gore ke ikwele gampe, nonyana yela ya go šokiša ye kgolo kua, e hlohlorile mafofa . . . Ke naganne, “Yeo ke ponagalo ya go šiiše kudukudu nkilego ka e bona.”

¹¹⁸ Aowa, ke e tšeela morago, ponagalo ya go šiiša kudukudu nkilego ka e bona ka motho a tswetšwe go ba morwa wa Modimo gomme morago a tswaleletšwe ka go thutotumelo tsoko. Gomme o lebelela godimo kua gomme a bona Modimo yo ka nnete a nyakago go mo direla, eupša o no se kgone go e dira. Ba ka se mo dumelele go e dira, le a bona, o tswaleletšwe. Seo ke selo sa go šiiša.

¹¹⁹ Ee, ee, kgaetšedi, ngwanešu, e ka ba mang a ngwadilego ye, ge o wetše fase *fa* seo ga se re gore o lahlegile. O no ba ntšhu e tsena ka hokong, ke phetho. O hlahletšwe ka serobeng tlase fa ka sebeng gape. Ga o nyake go ba fao, ke ka baka leo o lebeletšego godimo. Ke lena bao, “Oo, Ngwanešu Branham, nkile ka phela godimo fale, a go ne tsela fa?” Ee.

¹²⁰ Go nkgopotša ka letšatši le lengwe (oo, mošemane yo monnyane) ke be ke sepela tikologong ka morago ga polasa, gomme go be go le . . . yo mongwe o be a tlemile legokubu la kgale go mo thibela ka ntle ga lehea. Gomme moisa yola wa go šokiša wa kgale o be a no nyakile go bolawa ke tlala. Ga se ke kgone go ba le mokgwa woo go dira seo. O bofile legokubu la kgale ka leoto, gomme moisa yola o be a jele se sengwe le se sengwe se bego se le tikologong, ga se a kgone go hwetša selo gape. Molemi o nno mo tlogela. Gomme o be a šokiša kudu go fihla ebile a— a sa kgone go tsoga. Gomme o . . . Gomme magokubu a be a tla fofela godimo le go re, “Gwa, gwa, gwa.” Ka mantšu a mangwe, a re, “Etla pele Johnny Legokubu! Nako ya marega e a tla, a re ye borwa!” Eupša o be a ka se kgone go e dira, o be a tlemilwe.

¹²¹ Kafao letšatši le lengwe moisa tsoko o tlide kgauswi gomme o bone legokubu lela la kgale la go šokiša, gomme o nno ya godimo le go mo swara gomme a mo tlemolla, are, “Eya pele, ſaatena, o lokologile.” Le a bona? Gomme kafao gona, selo sa pele le a tseba, o ile pele a sepela tikologong.

¹²² Mo go tla magokubu godimo, a goelela, “Etla pele, Johnny Legokubu! Gwa, gwa, gwa! A re ye borwa, nako ya marega e a tla. O ya go gatsela go iša lehung.”

¹²³ Ge a ka kgona go lebelela morago, a re, “Ga ke kgone go e dira.” Le a bona, o be a tlwaetše go bofiwa kudu, le a bona, o nno nagana o be a sa bofilwe.

¹²⁴ O ka no nagana o bofilwe, le wena, ngwanešu, kgaetšedi, yo a ngwadilego potšišo ye. O ka no nagana diabolo o go dirile o bofiwe fase fao, eupša o a aketša. Go bile nako ye nngwe Monna o tlide lefaseng, Jesu Kriste, Morwa wa Modimo, O go bofolotše. O se ke wa e dumela; ga wa swanelo go dula fase fao, aowa, mohlomphegi, o lokologile. Yeo ke therešo. O hwile lefelong la gago go tloša dibe tša gago. O no dumela go Yena, pokapokiša diphego tša gago gomme o fofe go tloga le ka moka ga bona. O se dule ka go molete wola wa diabolo. Aowa, mohlomphegi.

Bjale. A o ka bea diatla godimo ga ka le go lokologa go tloga go seo?

¹²⁵ Kgaetšedi morategi goba ngwanešu morategi, nnete, ke tla bea diatla godimo ga gago, eupša seo se ka se go lokolle. Seo se ka go lokollago, wena o . . . ke go kwešiša gore o šetše o lokologile. O šetše o bofolotšwe. Ga wa swanela go tshwenyega ka go beng go lokologa, o šetše o lokologile! Jesu o go lokolotše. O se itatetše gape ka jokong ya bokgoba. O lokologile ka mo o kgonago. Ga wa swanela go tatetšwa. Go bea diatla tša ka godimo ga gago e no ba motlwae. Re ka dira seo. Gore, gobaneng, nka kgona go dira seo, eupša seo le bjalo se ka se go lokolle go fihla o amogela se A go diretšego; yoo e no ba nna ke re “Morena, ke a Le dumela.”

¹²⁶ Gabotse, o no bea diatla tša gago ka tumelo godimo ga Gagwe, wa re, “Morena, ke a Le dumela,” wena etla godimo. Yeo ke nnete, ipolele dibe tša gago. O a bona, “Yo a utago dibe tša gagwe a ka se atlege, o khupetša dibe tša gagwe. Eupša yo a tla ipolelago dibe tša gagwe . . .” Fao ke mo o hwetšago tokologo le tokafatšo, ge o rata go re “Ke dirile sebe, ke phošo.” Seo ke se o boletšego fa:

Ke wele, ke dirile sebe. Ke phošo kudu! A go ne sebaka go nna go ba ka moka gape?

¹²⁷ Ka go felela! Motsotso wo o E kganyogago, seo se laetša gore Modimo o ušeditše Lešikabophelo fase go go topela godimo. E no emeleta godimo ga Lešikabophelo la Gagwe la tumelo le thapelo, sepelela pele godimo ka go dintšhu ka moka ka mokgwa woo, eya o pokapokiša go tloga. Yeo ke nnete.

¹²⁸ Ee, go beeng ga diatla, seo ke—seo ke selo se segolo, ke dumela go seo. Ke dumela go go beeng ga diatla, ka kgonthe ke a dira. Eupša seo ga se se e dirago. Nka bea diatla godimo ga batho, beke ka gare le beke ka ntle, gomme go le bjalo e ka se dire botse go fihla o amogela seo *Kriste* a go diretšego. Yeo e no ba feela tumelelo ya ka, go bea diatla. Ba beile diatla godimo ga bagolo. Ba dirile dilo tše, e bile tumelelo ya bona pele ga Modimo gore ba file tumelo ya bona go yona, ba fa tumelo ya bona go yona. Le a bona? Dinako tše dingwe, feela boka dilo . . .

¹²⁹ Ga ke kwešišwe dinako tše dintši kudu. Ke—ke . . . bošegong bja go feta. Ke swere gare ga dikgopololo, ga—ga ke tsebe ke dire eng. Ke—ke, nnamong, ke magareng ga kgopololo, ga—ga ke tsebe ke dire eng. Ke a holofela ye e no ba kereke ya tlhago, goba kereke ya semoya e dutšego mo, a ke re, Ga ke thanke ba gatiša wo gore ke no bolela se ke nyakago go. Bona . . .

¹³⁰ Ke nyakile polelo ye nnyane ya pelo go pelo le wena, gomme ke a dumela ke tla no e tše, go le bjalo. Ke bile le noute e ngwadilwe mo ka Lengwalo, ge eba . . . Ge nkabe ke se ka dira, ke be ke eya go bolela ka *Boebangedi Bja Nako Ya Bofelo*, se boebangedi bja nako ya bofelo bo lego. Mohlomongwe ke tla

boloka yeo bakeng sa letšatši le lengwe. Ke rata go bolela le lena go tšwa pelong ya ka, feela go tloga botlase bja pelo ya ka.

¹³¹ Ke magareng ga dikgopolو, ga ke tsebe feela gore nka tepogela ka tsela efe. Ke nyaka thapelo ya lena. Gonanabela ka tlhokomelo go gonnanyane go ka mo, go tše—go dilo tše, e be e no ba sebakabotse go bolela le lena metsotso e se mekae. Se sengwe gape ke nyakago go le botša, le a bona. Ke lemoga gore ka kgonthre re kgauswi le se sengwe. Bjale, le se nkwele thoko, le se e dire. Le a bona?

¹³² Monna o tlide go nna letšatši le lengwe gomme a ntira gore ke ikwele gampe ka nnete. Ke naganne, “Ka kgonthre ga se ke be go hlepha bjalo ka go ruteng.” Le a bona? O rile, “Ngwanešu Branham, ka go e ka ba matšatši a mantši ke swanetšego go dirwa karo, a a latelago a lesometlhano, matšatši a masomepedi.” O rile, “A o nagana Jesu o tla ba mo, ebile nka se swanele go ba le karo yeo?” Le a bona? Le a bona, ga o E kwešiše. Le se ke la dira seo! Le a bona, le se ke la dira seo. Jesu a ka no se tle mengwaga ye mengwe ye dikete tše tlhano. Ga ke tsebe. A ka no ba fa le bjale bošegong bjo. A ka no tla gosasa. Ga ke tsebe O tla neng, ga go yo mongwe gape a tsebago. Gabotse, ebile ga A tsebe Yenamong. Seo ke se A se boletšego. Ga go yo a tsebago.

¹³³ Eupša a le be le tseba Paulo o ile a Mo lebelela go tla letšatši le lengwe le le lengwe? Johane, mo Sehlakahlakeng sa Patimo, o naganne o tla phela go e bona. Irenaeus o naganne kgonthre O be a le matšatšing a gagwe. Bohle ka moka ga bona, Polycarp, Mokgethwa Martin, bohole go theoga lebaka. Luther o naganne, “Ka kgonthre yeo ke yona!” Wesley o rile, “Ye ke nako.” Charles Finney, John Knox, Calvin, Spurgeon, yo mongwe le yo mongwe wa bona o rile, “Ye ke nako!” Billy Sunday, pele go theogela go letšatši le mo, yo mongwe le yo mongwe, “Ye ke nako!”

¹³⁴ Re e lebeletše. Ga re tsebe nako ke neng. Ke a dumela ke nako ye, gomme ke nyaka go swara seetša sa thotše. Gomme theetšang, ke . . . Swarang se gabotse! Ke nyaka go phela nakwana ye nngwe le ye nngwe ya bophelo bja ka gore ke lebeletše Yena nakwana ye e latelago, eupša ke nyaka go tšwelapele boka go tla ba mengwaga ye dikete tše lesome go tloga bjale. Ke sa nyaka go bjala dipeu, go buna puno. Ke nyaka go rera Ebangedi le go tšwelapele feela bjalo ka ge ka mehla ke dirile. Go tšwelapele ka mokgwa woo, ka mahlo a ka godimo, ke šeditše; ke goga thari ya . . . ke hwetša dišerefe, thoro. Gomme ka gona ngwaga wo o latelago ke tla bjala mabele a ka gape, “Morena, ke naganne O tla ba mo ngwaga wa go feta, eupša ge O se, O ka no tla ngwaga wo. Kafao ke tla bea puno ya ka go godiša bana ba ka. Ge O diega, ba tla ba le se sengwe go ja; ge O sa dire, ke tla be ke Go lebeletše.” Ke lena bao, le a bona, go no tšwelapele feela sekeng.

¹³⁵ Ge ke be ke gopola gore O be a etla mosong, bošegong bjo ke tla rera molaetša wo o swanago wo ke o rerago bjale. Ge ke

naganne O be a etla mo mosong, nka se ye ntle le go rekiša koloi ya ka, nka se ye go dira *se, seo*, goba se *sengwe*. Ke tla no ya pele thwi bjalo ka ge ke ile ka setlwaedi, ka gore nakwana ye nngwe le ye nngwe ke šeditše bakeng sa go tla ga Gagwe. Gobane A ka no tla feela bakeng sa gago, e ka no ba iri ya gago e ka no ba bošegong bjo. Mohlomongwe ke iri ya ka bošegong bjo. Ga ke tsebe. Eupša ye nngwe ya tšona e ya go ba iri ya rená.

¹³⁶ Gomme e dira phapano efe ge ke phela mo goba ke bolokilwe ntle mošola? Ka gore ge ke šetše ke lefile kotlo ya lehu, ke tla ba fao pele ga monna e ka ba mang yo a phelago. Yeo ke therešo. “Ke bolela se,” Bathesalonika ba Bobedi, tema ya 5, “Ke bolela se go lena ka Melaong ya Morena. Rena ba re phelago le go šadišetšwa go Tleng ga Morena re ka se šitiše goba go thibela bale bao ba robetšego. Ka gore phalafala ya Modimo e tla lla, gomme bahu ka go Kriste ba tla tsoga pele,” monyetla wa bao ba hwilego o tla tla pele pele. Ke ka mokgwá wo re tsebago gore go batametše, le a bona. “Gona rená ba re phelago le go šala re tla fetolwa, ka nakwana, ka panya ya leihlo, gomme re tla ubulelwa godimo mmogo le bona, go gahlanetša Morena ka moyeng.”

¹³⁷ Kafao e dira phapano efe ge ke hwile ka nakong ya Noage, ge ke hwile ka nakong ya Abraham, ge ke hwile ka nako ya baapostola, ge ke hwile dibeke tše pedi tša go feta, goba gonabjale? E tla dira phapano efe? Ke tla ba fao ka nakwana, ka go panya ga leihlo, ke nno khutša go fihla nako yeo.

¹³⁸ Bjale, kgobokano e tla ba go Morena. Bjalo ka Jakobo, ka go tema ya 49, o rile, “Ge Silo a etla, gomme kgobokano e tla ba go Yena. Go ka se be le mofi wa molao go ya go fihla... go tloga magareng ga maoto, go fihla Silo a etla,” a bolela ka Juda, “gomme go Yena go tla ba kgobokano.”

¹³⁹ Bjale, batho ba bantši kudu ba lebeletše kereke, sehlopha se segolo sa batho go tšeelwa godimo mmogo, kereke, kerekeleina, thutotumelo tsoko se sengwe go tšeelwa godimo. Yeo ga se yona. Yeo ga se yona le gatee.

¹⁴⁰ Go kgobelá ga batho, ge Modimo a bitša mohlape wa Gagwe mmogo, A ka no tšeá ba babedi go tšwa Jeffersonville, ba babedi go tšwa Indiana, ba babedi go tšwa Kentucky, ba babedi go tšwa Mississippi. Seo ke tlwa se A se boletšego; e sego ona mantšu, eupša O rile, “Go tla ba ba babedi ka tšhemong,” fao ke mo seetša sa letšatši se lego gona, “Ke tla tšeá o tee gomme ka tlogela o tee. Go tla ba ba babedi malaong,” lehlakore le lengwe la lefase ke nako ya bošego, “Ke tla tšeá yo motee gomme ka tlogela yo motee.” Le a bona?

¹⁴¹ Go kgobokana ga batho go ka se be seleloko, bakeng sa sehlopha *mo*. E tla ba tsogo ya lefasepharephare go kgobokana mmogo, gomme Tlhatlogo e tla tla ka tsela ya go swana. Gobane O rile, “Ge yo mongwe a robetše ka go tiišo *ye*, yo motee ka go tiišo *yela*, yo motee ka go...pele go theoga go ya go tiišo ya

bošupa. Gomme ka gona ge Monyadi a etla, bohole ba bona ba tsogile, yo mongwe le yo mongwe, tselo yohle go tloga nakong ya Genesi go fihla bofelong bja Kutollo. Yo mongwe le yo mongwe wa bona o tsogile, yeo ke nnete, go lokela go ya ka gare.”

¹⁴² Bjale, le a bona, O laetša gore bahu bohole ba tla tsoga go tšwa lebitleng, mo go tleng ga Gagwe, baloki, Monyalwa, ba ba robetšego ba ba lego ka lebitleng ba tla tsoga ka tsogong. Ka gona O laetša gore batho ba ba phelago lefaseng, e tla ba yo motee *mo* le yo motee *fao*, e ka se be seholpha sa batho se kgobokane mmogo ka go seholpha se sennyane. “Ka gore go tla ba yo motee ka tšhemong, goba ba babedi ka tšhemong, Ke tla tšea o tee gomme ka tlogela o tee,” *fao* go tla ye tee ya Kereke go tšwa go seetsa sa letšatši. Ka lehlakoreng le lengwe la lefase, “Go tla ba ba babedi malaong, Ke tla tšea o tee gomme ka tlogela o tee.” A yeo ke nnete?

¹⁴³ Kafao kgobokano e tla ba go Kriste ge eba ke ka Jeffersonville, ge eba ke ka Sweden, ge eba ke... Gomme kae kapa kae e lego, ke kopano ye e tla bago go Modishi. Le a bona? Gomme ka gona mmogo re tla ubulelwa godimo le tsogo go gahlanetša Morena sebakabakeng. Batho ba tla be ba etla go tšwa dikarolong tšohle tša lefase, bao ba phelago. Batho bao ba hwilego, le go ya pele, ba tla tsoga. Gomme mmogo Kereke e tla ubulelwa godimo mmogo go gahlanetša Morena sebakabakeng. Le a bona?

¹⁴⁴ Go Tla ga Gagwe e tla ba lefasetšekelele. E ka se be feela go tla go Louisville. E ka se no ba go tla go Baptist, go Presbyterian. E tla ba “ba go sekä ka pelong ba tla bona Modimo,” le tsogo le kgobokano di tla ba go tšwa mogohole.

¹⁴⁵ Gomme, bjale, e tla neng? Mohlomongwe bosegong bjo, mohlomongwe gosasa, mohlomongwe ngwaga wo, mohlomongwe mengwaga ye masometlhano, mohlomongwe mengwaga ye lekgolo, mohlomongwe mengwaga ye mengwe ye sekete. Ga ke tsebe. Ga go yo mongwe gape a tsebago. Eupša a nke-reña, wena le nna, re phele bosegong bjo boka e be e eya go ba gabjale bosegong bjo.

¹⁴⁶ Eupša, bjale, go direng boka o e boletše, “Ke—ke ne karo.” Gabotse, ge o swanetše go ba le karo, ga o na tumelo bakeng sa tokologo, eya pele gomme o be le karo ya gago.

¹⁴⁷ Ge ke be ke eya go reka le—le... Yo mongwe o tlide gomme a nngwalela noute letšatši le lengwe, gomme o rile, le—le lengwalo le legolo, gomme o rile, “Ngwanešu Branham, ga ke tsebe ke dire eng.” O rile, “Nna le mosadimogatša wa ka re bile go botega kudu go Modimo bjalo ka ge re ka ba. Re godišitše bana ba rená.” Gomme o rile, “Bjale, se ke se makalago,” o rile, “re... re bolokile polasa, re rekile polasa.” Gomme o rile, “Re e rata bjang! Go ne sediba fale; go ne no—no nokana e kitima go kgabola lefelo.” E be e le ntle ka Oregon. Gomme a re, “Re kwa gore o tla Oregon. Ke

sla go botša se re tšerego sephetho go se dira. Re tseba gore . . . Re naganne re tla e bolokela bana, gobane ga go yo motee wa bona ba lego Bakriste.” O rile, “Re naganne re tla ba bolokela yona bjalo ka ge ba swanetše go dula fa go ya go kgabola tlaišego, le go ba bolokela yona le go ba dira ba be le se sengwe, gobane re dumela gore re tla ba ka Tlhatlogong. Kagona ga re tsebe re dire eng ka seo, kafao mohlomongwe ge o etla re tla no retollela polasa godimo go wena, le a bona, gomme ka gona o ka kgona go dira ka yona eng kapa eng o nyakago.”

¹⁴⁸ Ke ngwadile morago, ka re, “E bile kgopololo bjang go wena go nagana ka bana ba gago.”

¹⁴⁹ O rile, “Nna le mme re ya ntle kua, gomme mantšiboa.” O rile, “Ke komana go rola modiro, gomme,” o rile, “diiri tša boipshino re nago natšo, go kgabaganya godimo ga polasa, re lebeletše sediba, gomme re eme ntle fale re tumiša Modimo.”

¹⁵⁰ Ke rile, “Tšwelangpele go dira seo, phelang feela ka mokgwa woo, mmeleng, phahlong. E no tšwelangpele le tšwelapele go fihla A fihla. Le a bona, go no tšwelapele go dula mo, go tšwelapele go fihla A fihla.”

¹⁵¹ Polane, eya pele, dira seo, “Ge Morena a rata! Ge Morena a rata! Ke tla dira *se*, ge Morena a rata.” A ka no tla pele ga nako yeo. [Lefelo la go se be le selo godimo ga theipi—Mor.] Eupša e no tšwela pele o eya pele go no swana le ka mo o lego go fihla . . . Eupša boloka soulo ya gago e lokišitšwe, gore, A ka tla ka motsotso e ka ba ofe. Le a bona, itokišeng. Ka gore, le a bona, A ka no tlela *lena* motsotso e ka ba ofe, motsotswana e ka ba ofe, morethetho wa pelo wo o latelago, mohemo wo o latelago, A ka no tlela wena. Eupša e no tšwelapele o dira eng kapa eng o nyakago, ge feela e le therešo le bobotse le go otloga, eya pele gomme o e dire.

¹⁵² Bjale, re a tseba gore re lebane le se sengwe. Ke a se tseba; le a se tseba. Ga—ga—ga ke tsebe ke retologe tseleng efe. Le elelwa e ka ba mengwaga ye mene ya go feta, ka Chicago letšatši le lengwe, Moya wa Morena o tlide godimo ga ka gomme ke rile, “Ye ke yona! Gomme tsošeletšo e fedile, gomme Amerika e ganne sebakabotse sa gagwe.” E godimo ga theipi. “Gomme fao go ka se sa ba gape. Sebakabotse sa gagwe sa mafelelo o se ganne.”

¹⁵³ Ke le nyaka le šetše. A e ka ba yo mongwe o a tseba e bile letšatši lefe godimo ga theipi? Re na le yona. Leo le Gene ba e hweditše. Ke e kwele fa e se kgale botelele. Boze a e beilea ka pampiring ya gagwe. Gomme ka fao e nong go šetša se se diregilego go tloga nako yeo, le a bona, tsošeletšo e eme.

¹⁵⁴ Ke boletše seo godimo ka—ka Blue Lake bošego bjo bongwe, gomme moisa yo monnyane o tlide morago mosong wa go latela, o rile, “Ngwanešu Branham a ka re Mapentecostal ba bile le yona, eupša e sego nna! Letago go Modimo! Haleluya,” le pele le pele. Le a bona, eupša moisa yo monnyane o be a no se tsebe ke bofe

bofelo bja lenaka a bego a letša go tšwa go bjona. Le a bona, ga a kwešiše. Le a bona, ga a tsebe. Go lokile, mafolofolo, seo se lokile ka go phethagala.

¹⁵⁵ Eupša lebelelang go dikologa! Ba dira eng? Bothata ke eng ka batho? Go diregile eng ka tsošeletšo? Go diregile eng ka Billy Graham, Oral Roberts, ka moka ga bona? Tsošeletšo e ya pele kae? E fedile! Muši o roretše. Dipeu di bjetšwe. Kopano e fedile. Mello e roretše. (Ka tempeleng ya kgale ya Roma, ka go modimogadi, ge mello e timile babapatši ba ile gae, mo dialetareng.) Bjale, re a bona tsošeletšo ga e kgatlampane. Ga se mafolofolo.

¹⁵⁶ Ka gona ke nagana ka noka ka 1936, ke nagana se A se boletšego. Go diregile eng kua? Bontši bja lena le a tseba. Ke be ke sa no ba mošemané, le go kolobetša kolobetšo ya ka ya mathomo ge Morongwa yola wa Morena a tlide fase gomme a ema godimo moo ke bego ke le. Batho ba bangwe ba rile, “Ga se wa e bona.” Morago saense e netefaditše gore go be go le bjalo. Le a bona? Le a bona?

¹⁵⁷ Bjale, O boletše eng kua? “Bjalo ka ge go bile, bjalo ka ge Johane Mokolobetši a romilwe pele go bulamadibogo a go tla ga Kriste la mathomo, Molaetša wa gago o tla bulamadibogo a go Tla la bobedi.”

¹⁵⁸ Ke šeditše seo go kgabaganya lefase, go dikologa lefase o ile. Feela gabotse ka bošego, ditsošeletšo di phatlogile mo gohle. Mello ya tsošeletšo e be e tuka mogohle, go bile le tsošeletšo ye kgolokgolo re kilego ra ke ra tseba ka yona. Eupša a go be go le e ka ba eng pele ga fao? E sego selo! Ge dibeke tše pedi pele ga fao, ke kwele monna a dira polelo ka New Albany, o rile, “Batho ba be ba dumela go baka mola ga—ga tsošeletšo, boka Billy Sunday le bona.” O rile, “Re a tseba gore go ka se sa ba le bona gape. Batho ba nyaka bohlatsé bja go tia; ga go selo se sebjalo!” Ge ba be ba dira go baka go gogolo fale, ka nako ya go swana Modimo a thunyetša pele tsošeletšo ye kgolokgolo re bilego le yona ge e sa le mengwagakgolo ya bona ya pelepele, batho ba bantši ba phološitšwe: dimilione.

¹⁵⁹ Dipalopalo di laetša gore molaetša wa monna o fetša mengwaga ye meraro, e ka ba mang wa bona, morago o phela godimo ga botsebalegi bja gagwe nako ka moka go fihla Modimo a mmitša. Bjale, seo e bile ge e sa le go tloga ka Kriste, ya Gagwe e bile ye meraro le seripa, le a bona. Gomme go bontšha gore bohole tlase, Spurgeon, Knox, Calvin, tsela yohle go theoga, go laetsa ye meraro go ya go mengwaga ye meraro le seripa ke magomo bakeng sa bodiredi bja monna. Ka moka ga yona...kerese ya gagwe e roretše, o phela ka botsebalegi bja gagwe bja go feta. Ge a be a le yo mobe, mediro ya gagwe—ya gagwe e a mo latela; ge eba o be a lokile, mediro ya gagwe e a mo latela. Yeo ke phetho.

¹⁶⁰ Bjale, seo se be se e ra eng? Ke be ke rerela kereke ye mo le go le botša gore “Ke dumetše go be go le yo mogolo a tlago.” Ke a dumela gomme ke le boditše gore “Ke a dumela gore Mangwalo a thekga gore go tla ba motseta wa lebaka la mafelelo la kereke.” Ke dumela seo. Ke lebeletše motho yola go bonagala, ke šeditše kgafetšakgafetša.

¹⁶¹ Gomme ke bona monna a tsogela godimo, ke kwa ka yena, monna yo mogolo o thoma go swiela, ke hlokometše molaetša wa gagwe o tšwetše kgole le Beibebe. Ke mmona a fofela morago godimo ka khoneng. Le a bona? Ke šeditše yo mongwe a tsogela godimo, a fofela godimo ka kua, eupša ga a tsene magareng ga dintšhu, o dula magareng ga magokobu a dikerekemaina. O dula fase *mo*, mokgatlo wa gagwe, le wo mongwe ba tliša boleloko bjo bontši ka gare le go ya pele. Ke a e šetša, ke a e bona e hwa.

¹⁶² Ke a nagana, “Modimo, o kae yola yoo a yago go bušetša Tumelo ya botate go bana? Tšona Dipeu di ya go bjålwa kae? E mo kae? Go swanetše go direga eng?”

¹⁶³ Bjale e tla go se. Ge—ge Molaetša wola tlase nokeng letšatšing lela, ge woo e be e le ona, go Tla ga Morena go batametše, go kgauswi mo. Ge go se, go na le kunkurobala pele ga ledimo. Ga ke tsebe. Ga se A e utolla go nna. Ke leka go makala, “A woo e be e le Molaetša wa Gagwe wa semmušo? A seo ke sohle A bego a nnyaka gore ke se bolele? A woo e bile ge A roma? A e bile ohle wa ona? Ge ele, ka kgonthre, kgauswi ka kgonthre. Go thari go feta ka mo re naganago. Ge e be e se, go ne kunkurobala pele ga ledimo.

¹⁶⁴ Bjale, yo mongwe o nngwaletše fa e se kgale botelele, gomme o mpotšišitše, o rile, “Ge le sa dumele gore kereke e ya go kgabola sekgao sa Tlaišego, go reng ka Kutollo 13, ka fao ba fenyago ka Madi a Kwana le bopaki bja bona?” Motho o botšišitše potšišo yeo. Ke a makala. A le a lemoga gore ditema tše tharo tša mathomo tša Kutollo di mekamekana le Kereke ka go lebaka la Kereke? Seo ke sekgao sa Tlaišego, e sego lebaka la Kereke; Kereke e a Hlatloga gomme e ya godimo ka go tema ya 4 ya Kutollo, ga se nke e etla gape go fihla tema ya 19 ge E etla le Jesu. Yeo ke nnete. Yeo e ka go sekgao sa Tlaišego, ga go selo go dira le Kereke le gatee.

¹⁶⁵ Ditshepišo tšohle tše kgolo tše dilo tše kgolo tše o di bonego ka Beibeleng, boka se se yago go direga, seo se godimo ka go mmušo wa Bajuda, e sego fa magareng ga Bantle. Ke a dumela gore ba tla ba le rali ka yo motee yo a swanetšego go tla go bušetša Tumelo ya batho, ye e tshepišitšwego. Gomme tsela e nnoši nka kgonago go hwetša yeo, gobane O rile, “Ka pela ka morago ga Molaetša wo, gore, lefase le tla tšhungwa ka phišo, mollo.” A nke ke no le balela seo ge re sa le thwi fa, gomme šetšang se Le se bolelagoo.

¹⁶⁶ Gomme bjale molaetša wo monnyane wo wa Mmušo, mohlomongwe nka no rera woo Lamorena la go latela mosong, ge Morena a rata, le a bona, gomme ge Morena a rata.

¹⁶⁷ Bjale šetšang mo, go tla ga Johane mo, Maleaki 3:

Bonang, Nna...ke roma motseta wa ka pele ga sa Ka...ke roma motseta wa ka, gomme o tla lokiša tsela pele ga ka: gomme Morena, yo le mo nyakago, ka pela o tla tla tempeleng ya gagwe, ebole yena motseta wa kgwerano, yo le mo thabelago: bonang, o tla tla, go boletše MORENA wa mašaba.

¹⁶⁸ Le bona seo? Maleaki 3. Mateo bjale, šetšang Mateo tema ya 11, gomme theetšang ye, gomme temana ya 6. A re baleng bjale Male-... Mateo 11, Jesu o a bolela. Gomme bjale a re thomeng go tema ya 11:

Gomme gwa tla go phethega, ge Jesu a dirile bofelo bja taelo ya Gagwe go barutiwa ba gagwe ba lesomepedi, a tloga fao go ya go ruta le go rera ka ditoropongkgolo tša bona.

Gomme bjale ge Johane a kwele ka go...kgolegong mediro ya Kriste, o rometše ba babedi ba barutiwa ba gagwe,

Gomme o rile go yena, A ke wena yo a swanetšego go tla, goba a re sa letela yo mongwe?

¹⁶⁹ Le bona leutu lela la moprofeta yola? O tsebile se sengwe se be se eya go direga, eupša o be a se na le nnete moo e bego e le gona, le a bona, le a bona, feela seo se bego se direga. “A O Yena?” ka morago ga ge a Mo tsebišitše.

Gomme Jesu...o rile go bona, Eyang gomme le bontše Johane gape dilo tšela tše le di kwago le go di bona:

Difofu di amogela pono ya tšona, ...digole di a sepela, balephera ba hlwekištše, ...difoia di a kwa, bahu ba a tsošwa, gomme babotlana ba ne ebangedi e rerwa go bona.

Gomme wa lehlogenolo ke yena, yo a sa kgopšego ka nna.

Gomme ge ba tloga, Jesu o thomile go re go lešaba mabapi le Johane, ... (Bjale theetšang!)... Le be le ile ntle ka lešokeng go bona eng? Lehlaka le šišinywa ke phefo? (Aowa, yoo e be e se Johane, go se go itšimeletša ka Johane.)

...le be le tšwetše go bona eng? Monna a apere diaparo tše boleta? (Ka mantšu a mangwe, kholoro e retologile go dikologa, le a tseba, gomme a rutegile le monna yo mogolo) bonang, bao ba aparago diaparo tše

boleta ba ka dintlong tša dikgoši. (Yena yo a atlago masea, gomme a nyadiša digotlane, le go boloka bahu, le, le a tseba, goba a sesella go dikologa dikgoši. Woo ke mohuta woo, ga a hwidinye Tšoša ya maswaromabedi. Le a bona?)

...Bjale, *le be le ile go bona eng ntle ka lešokeng?* Monna le diaparo tša gagwe, gomme a šikinywa ke phefo?

...Monna yo a aperego seaparo se boleta? bonang, bao ba aparago diaparo tše boleta ba dipaleising tša dikgoši.

Eupša le be le ile go bona eng? Moprefeta? ya, Ke re go lena, gomme go feta moprefeta.

¹⁷⁰ Šetšang! “Bakeng sa ye . . .” Theetšang bjale, le ke Mantšu a Jesu Mong:

Ka gore yo ke yena, yo go ngwadilwego ka yena, Bonang, Ke roma motseta wa ka pele ga Tumelo ya Ka, gomme o . . . sefahlego, gomme o tla lokiša tse tsela pele ga gago.

¹⁷¹ Bjale šetšang Maleaki 3:

Bonang, Nna . . . ke roma motseta wa ka, gomme o tla lokiša tsela pele ga ka: . . . (Maleaki 3, e sego Maleaki 4.)

¹⁷² Bjale šetšang Maleaki 4:

Ka gore, bonang, letšatši le a tla, leo le tlago go fiša bjalo ka obene; gomme baikgogomoši bohole, ya, le bohole ba dirago bobe, ba tla ba makobe: . . . letšatši le a tla leo le tla ba tshumago, o rialo MORENA wa mašaba, . . . le ka se ba tlogole modu goba lekala (leo ke la Tlaišego le tshenyego, le a bona, yeo e tlago).

Eupša go lena ba le boifago leina la ka Letšatši la toko le tla hlaba ka phodišo diphegong tša lona (go tla ga Morena); gomme le tla ya pele bjalo ka . . . le tla ya pele, le go kgarama bjalo ka mamane a lešaka. (Seo se swana le go ya ntle godimo ga phulo, go sepelela ka ntle.)

... le tla gatakela ba babe fase; ka gore ba tla ba bjalo ka molora ka tlase ga dikgato tša dinao tša lena mo letšatšing leo Ke tla dirago se, go rialo MORENA wa mašaba.

¹⁷³ Ka mokgwa wo mongwe, baloki, go boweng le Kriste lefaseng, ba tla gata godimo ga melora. Ge o bona batho ba, ba swele, mereba, ba lenyatšo, bajaleonyane gomme efela ba tteleima go ba Bakriste, ga se bona selo eupša melora. Seo ke phetho. Seo ke se Lengwalo le se bolelago. Le a bona? Bjale hlokomelang.

Elelwang . . . molao wa Moshe mohlanka wa ka, wo Ke laetšego . . . yena ka Horebe go Israele yohle, le melao le dikahlolo.

Bonang, Ke tla romela go lena Eliya moprofeta pele ga go tla ga letšatši le legolo lela la go šiiša la MORENA:

Feeela pele ga Letšatši leo, go bowa ga Morena, Eliya o tla tla pele.

¹⁷⁴ Go lokile, elelwang, efela bokamoso. Bjale, e be e ka se kgone go ba go tla ga Johane. O be a le Eliya, eupša o tla makga a mahlano, bjale. J-e-s-u [Ka Seisimane J-e-s-u-s—Mof.], t-u-m-e-l-o [f-a-i-t-h], m-o-g-a-u [g-r-a-c-e]. Le a bona, *tlhano* ke nomoro ya “mogau.” Eliya o dira diponagalo tše tlhano: nako ye nngwe ke Eliya; bjalo ka Elisa; bjalo ka Johane; mo bofelong bja Bantle; le godimo le Moshe go Bajuda. Palo ya go phethagala, moprofeta wa go phethagala, motseta wa go phethagala, wa go tia, sebete. Le a bona? Hlokomelang:

. . . Ke tla romela go lena Eliya . . . pele ga go tla ga Letšatši, letšatši le legolo la go šiiša la MORENA:

Gomme o tla bušetša dipelo tša botate go bana, le dipelo tša bana go bo botate, gore Ke se tle gomme ka otla lefase ka thogako.

¹⁷⁵ Le a bona, e sego go tla ga pele ga boitsebišo; yoo e be e le Johane, ka gobane lefase ga se la tsoge la swa bjalo ka makobe, baloki ga se ba tsoge ba sepela godimo ga melora ya babe. Eupša feela pele se se direga, Elisa o tla tla. Gomme o tla dira eng? Go bušetša Tumelo ya bana morago go tate, Tumelo ya setlogo ya Beibele.

¹⁷⁶ Ge ke bona monna a etla, ke a nagana, “E swanetše go ba yena. Go ne monna o tsoga ka tumo, mo lebeleleng, dikereke di a ya.” O dira eng? Dimaele tše sekete go tloga Beibeleng. O dira eng? Go tsekella go dikologa, moyo o fa ntle le fase o a ya. Le a bona, “Ba na le sebopego sa bomodimo gomme ba gana Maatla a bjona.” Ba gana Tumelo, ga ba dumele ka Beibeleng, ba re, ba swareletše go dithutotumelo, dikerekemaina, di hwetsa bana ba kerekeleina. E swanetše go wa. Šole o ya morago thwi.

¹⁷⁷ O kae yola a yago go bjala Peu yela bakeng sa Kereke yela ya nako ya bofelo? Peu yela ya go butšwa e kae, yeo e tshepišitšego Eliya? Gomme ka pela morago ga matšatši a gagwe go tla ba Tlaišego ye kgolo e beilwego ka gare le go tšuma lefase.

¹⁷⁸ Gomme ka gona ka go boweng ga Kereke le Monyalwa, Monyalwa le Kriste ba tla sepela ntle godimo ga melora ya bona, ka go Mileniamo, ge lefase le hlwekišwa ke mollo. Gomme ba tla rena fao. Gomme bahetene ba ba sego ba ke ba kwa Ebangedi ba tla tsošwa ka nako yeo, gomme barwa ba Modimo ba tla bonagatšwa. Ge a swanetše go rena, o swanetše go ba le se sengwe go rena godimo, o ne mmušo. “Gomme ba bušitše le go rena le

Kriste,” gomme Kriste a buša ka molamo wa tshipi, ditšhaba. Ka gona Ebangedi... Ka gona barwa ba ba bonagaditšwego ba Modimo, ka maatlataolo feela boka A bile ge A be a le mo, le a bona, go tla tla Mileniamo ka go Pušo yela, le a bona, godimo ga melora.

¹⁷⁹ Kafao ke šeditše bakeng sa se sengwe. A se re ngwegetše mo ka boikokobetšong gomme re se fošitše? A se ile gomme kereke e tlogetšwe ka dibeng tša gagwe? Ge go le bjalo, gona go thari go feta o nagana. Ge go se bjalo, gona fao go tla yo motee ka Molaetša wo o otlogilego godimo ga Beibele, gomme mošomo wa ka pela o tla dikologa lefase. Dipeu di tla ya ka dikuranteng, materiale wa go balwa, go fihla ge Peu ye nngwe le ye nngwe ye e kgethetšwegopele ya Modimo e O kwele. Ga go le o tee wa bona a tla tlago ntle le ge Tate a ba gogile, gomme yo mongwe le yo mongwe yo motee Tate a mo gogilego o tla O kwa gomme a tla. Yeo e tla ba, Peu ye e kgethetšwegopele e tla kwa Lentšu.

¹⁸⁰ Ka gona ge seo se direga, e tla ba kopano mmogo. Gomme Jesu o tla tšwelela, gomme go tla ya Kereke go tloga gohlegohle lefaseng ka mokgwa woo, ka tsogo, e rotogela godimo.

¹⁸¹ A go tla ba boka Johane a tlide, gomme ebile le barutiwa ba ba kgethilwego ebile ga se ba e tseba? Ba rile, “Gobaneng bamangwalo ba bolela gore Eliase o swanetše go tla pele?”

¹⁸² O rile, “O šetše a tlide gomme ga se le e tsebe.” Eupša o rile, “Ba dirile se ba rilego ba tla se dira go yena.” Molaetša wa gagwe o be o le ka pela kudu, lebelelang, go bohole ba Israele, gomme e diregile feela ka go le tee le lennyane lef-... a mabedi—a mabedi mafelo a mannyane: feela ka tlase ga Jerusalema le fale, goba tlase ka Anono moo Johane a ilego godimo go kolobetša, gomme thwi tlase nokeng moo a bego a kolobetša, noka e omile. Feel a dikgwedi tše tshela, gomme boitsebišo ka moka bja Mesia bo tla thwi ka gare. Le a bona?

¹⁸³ A re tshedišitše mahlo se sengwe? A go thari go feta re nagana? Ye ke polelo ya pelo go pelo bjale. Se ke, feela bošegong bjo, go no... Ya, e no ba—e no ba rena re bolela mo. A go thari go feta ka mo o naganago? A woo ka nnete e be e le Molaetša wola kua nokeng letšatši lela? A o ngwegile, gomme batho ba O fošitše? A ke Ona? Gona ka kgonthé go thari go feta re nagana. E tla ba neng? Ga ke tsebe. Go ka no ba bošegong bjo. Go ka no ba mengwaga ye mengwe ye masometlhano. Ga ke tsebe e tla ba neng, ke tla no tšwelapele go ya pele bjalo ka ge ke le bjale. Gabotse, ke eng? A ke lebeletše se sengwe?

¹⁸⁴ Ke bile le toro ya go se tlwaelege bošego bja go feta, e ntshwentše letšatši lohle. Ka mehla ga ke lore kudu. Eupša ke bile le toro...

¹⁸⁵ Ke tla ya mogohle, gomme go be go fela go eba ke tla thuthupiša Molaetša wola gomme ke tla bona o tee fa le o tee fale a ka O swara. Ke tla ya thwi morago gape le go thuthupiša

Molaetša gomme ba šontše nko tša bona le go sepela. Bothata ke eng? A ba dirile sebe go tloša letšatši la bona la mogau? A wa mafelelo o tlie ka gare? A go fedile? A re no be re letetše tshenyego? A dintwa tšohle tše di tsogago ka mokgwa woo e no ba go ba komana?

¹⁸⁶ Se sengwe se lokela go direga. Pele se direga, Kereke e ile. Ke ganana bjang gore Kereke e tla ba ka go Tlaišego! O kgona bjang go dira sekai go tloša go tšwa go sekaphethagalo? Le a bona? Noage o be a le ka arekeng pele lerothi le tee la meetse le ka tsoge la wa. Loto o be a le ka ntle ga Sodoma pele mollo o ka tsoge wa wa. Le a bona? Jesu o rile, “Bjalo ka ge go bile matšatšing ao kafao go tla ba ka go tleng ga Morwa wa motho.” Kereke ga ya swanelo go emela kahlolo, e šetše e le ka go Kriste.

¹⁸⁷ Se re se hlokago ke phethagalo ya bakgethwa. Bakgethwa ga ba kwešiše, le a bona, ba hwetša . . . Ba no se tsebe ba nagane eng, le a bona. Bjale re . . .

¹⁸⁸ Ge yeo e le nnete . . . Ge go se, go tla se sengwe thwi ka pela, go tla ba mothuthupo. Ke šeditše, ga ke tsebe ke tsela efe go retologela.

¹⁸⁹ Bošegong bja go feta ke lorile toro. (Gona ke a tswalela.) Ke lorile toro, selo sa go se tlwaelege kudukudu . . .

¹⁹⁰ Ke be ke robetše fale ke bolela le mosadimogatša wa ka, mabapi le gotlape- . . . Re be re sa tšo rapela, gomme ke . . . Yo mongwe, Dallas yo monnyane wa kgale, o be a leditše gore o be a hlometše se sengwe ka tsebeng ya gagwe, gomme ke ile ka gare . . . Go tšwa madi, gomme o ile a swanelo go kitimela go ngaka. Gomme ke tsene ka gare go rapela, gomme Moya wo Mokgethwa o rile, “Seo se lokile.” Le a bona?

¹⁹¹ Šo o a tla, go lokile. Ngaka o rile, “Gobaneng, ke naganne o be o eya go ba . . .” O rile, “O gobaditše moropana wa tsebe, o phatlogile, gomme madi a ela go tšwa go ona, gomme ke sohle.” Feela sohle . . . Nako ya go latela re ile—ile morago, o rile ga go selo sa yona. Ga ke tsebe eng, le a bona, ga go tshwaetšo, ga go selo. Le a bona?

¹⁹² Kafao gona yo mongwe o be a leditše, gomme ke tla ya ka kamoreng le go rapela. E ka ba letšatši le lengwe ba leditše, ba re, “Go fedile. Gabotse le bothakga! Go ya pele!”

¹⁹³ Gomme ke be ke bolela le mosadimogatša, ka re, “Hani, e ka ba ngwaga le dikgwedi tše nne ga se ka kgona go tseba ke šuthele ka tseleng efe.” Ke rile, “Ga ke tsebe ke eng.” O rile . . . Re be re bolela ka mosepelo. Ke rile, “Ga ke tsebe ke dire eng, ke eme gomme ke a makala. A re lebeletše go . . . A moprofeta yo motee yo mogolo yola wa Modimo . . . o tla go lefelotiragalo go thuthupiša selo? A e tla tsebjia phatlalatša?”

¹⁹⁴ Ke naganne, “Seo se kgahlanong le Lengwalo. Aowa, ke: ‘O tla ka go iri ye o sa naganego.’” Le a bona? Gomme ga ke

tsebe ke dire eng. A re e tshedišitše mahlo? Ke naganne, “Ga ke nyake go robala go dikologa ntlo fa.” Ke naganne . . . Gomme ke a holofela se ga se se gatišwe; ge e le, kgeilang theipi goba e beeleng thoko. Le a bona? Bjale o rile, ge . . . ke rile, “Ge ye e le yona, re kgaußwana go feta ka mo re naganago.”

¹⁹⁵ Go ne selo se tee seo se nago . . . seo se yago go direga. E ka ba se sengwe se swanetše go ntiragalela bjale. Gomme ga ke bone gobaneng A no se ntumelele go ya ge ke be ke le tlase godimo ga panka yela letšatši le lengwe, gona, le a bona, ge go se sengwe gape go dira. Gobaneng? Gobaneng ke sa tlogue? Go diregile eng? A go ne se sengwe gape go dira? Ka gopola, “Gabotse, ge e le Molaetša wa ka, batho ba tla O šonya.”

¹⁹⁶ Ka gona, Sengwe se mpiletša mašemong a šele. Ke kwa pitšo go kgabaganya lewatle, e etla ka gare go tšwa mogohle.

¹⁹⁷ Lengwalo le nno tla ka gare letšatši le lengwe, Ngwanešu Ligger o ngwala pu—pu puku ka kopano ya Durban. O rile, “Ga se nke ya bapetšwa. Afrika ga se nke ya ba le go šikinyega ka mokgwa wola. Ka godimo ga nako ya bošego bjo botee naga ye ya leswiswi ya Afrika e bile le go šikinyega moo ba sego ba ke ba ba le gona pele bophelong bja bona.” Yeo ke nnete, tlase magareng ga bahetene.

¹⁹⁸ Ke lebeletše tlase kua, ke bone manegroe ale a go šokiša, batho ba bohlokwa, ke bone ka tsela ye bona batho ba bego ba ba swara boka . . . gammepme go feta makgoba. Ke bone mošemane yo monnyane wa kgale fale yoo . . . gomme ke . . . o šomile fale, gomme ke rile . . . Mošemane yola, o no . . . Lena basadi le ka se kgone go dira bontši bjalo mo matšatšing a mabedi [Ga go selo lefelong la theipi—Mor.] goba matšatši a mararo, ka maatla ka fao le ka kgonago go šoma, ka fao mošemane yola a bego a swanelo go dira ka letšatši le tee. O be a robala godimo ga leako ntle ka kamoreng ya bohlapelo ye nnyane ya kgale, e ka ba kgato tše nne botelele le dikgato tše nne bophara, a khudupana godimo kua. Gomme o be a hwetša ponto ka kgwedi, yeo ke ditolara tše pedi le disente tše masomeseswai. Gomme o be a sa je marathana go tšwa tafoleng, pakete ya bupi bja lehea; kotara ya yona, difihlolo; kotara ya yona ka matena; gomme kotara ye nngwe ya boraro bošego bjoo ka selalelo. a šoma go fihla ka lesome, goba lesometee, iri ya lesompedi; a tsoga mosong wo o latelago a hlokomela lesea le se sengwe le se sengwe gape, le go pholetšha materapo le go phumula koloi ya molaodi. Gomme yo mogolo, wa go tšofala, mme wa go nona ga a dire selo eupša o dutše tikologong fale le go thwantšha manala a menwana ya gagwe le go nwa tee, sebodu, moseloke.

¹⁹⁹ Mošemane yola wa go šokiša o ile a swanelo go šoma boka se sengwe le se sengwe. O bile le go kgohlola, gomme o lebegile boka o be a no ba kgaußwi le go tonya, boka “Kgohlolo, kgohlolo, kgohlolo.” Gomme letšatši le lengwe ke lebeletše go kgabaganya

fale, ke rile, “A ga o tsoge wa ba le mošemane yola . . . Gobaneng o sa mo tliše kopanong?”

²⁰⁰ “Ke kafuru.” [Ga go selo godimo ga theipi—Mor.] Leo le ra “mosehlamatsege.” Ga go makatše ba bafelwabefedi ka leina lela. Ke tla dira, le nna. Monna yola ke ngwanešu wa ka. Gomme šole yena. Ga se lekgoba. Mmala wa gagwe ga se selo go dira le yona. Ke ngwanešu. Gomme o be a le fao ka mokgwa woo.

²⁰¹ Ke sepeletše ntle, ke mmiditše “Thomas.” Mošemane o be a kgona go bolela maleme a mararo. Gomme ke rile, “Thomas?”

²⁰² O retologile go dikologa, a wa ka matolo a gagwe gomme a bea diatla tša gagwe godimo, a re, “Ee, mong.”

²⁰³ Ke rile, “Emelela. Ga se nna mong wa gago, ke nna ngwaneno.” Ke beile letsogo la ka go mo dikologa. O lebeletše godimo go nna ka mokgwa woo, gomme dikeledi tše kgolo di etla go theoga marama a gagwe. Ke rile, “Thomas.”

²⁰⁴ Gomme Moya wo Mokgethwa wa tla gomme fao go be go le pono. Ke mmoditše se sengwe. Gomme o rile, “Ee, mong. Yeo ke therešo. Seo e no ba se e bego e le sona.”

²⁰⁵ Ke rile, “Thomas, go kgohlola go go tlogetše, o ka se tsoge wa ba le gona gape.” Gomme ga se a ke.

²⁰⁶ Batho ba thedimošetša tšelete ka potleng ya ka, ke bile le e ka ba lekgolo le masomeseswai a dinoute tšela tša *ponto* (go ra gore ditolara tše pedi le disente tše masomeseswai). Gomme ke be ke boifa go mo fa yona; ke boifa molaodi o tla mo hwetša le yeo, ba be ba tla nagana o be a e utswitše gomme ba be ba tla mo itia go iša lehung. Ka gona ke—ke rile go molaodi, ke rile, “Ke—ke rata mošemane yola. A nke ke mo fe tšelete tsoko.”

“Oo, aowa! Aowa! O tla mo senya.”

²⁰⁷ Ke rile, “Gabotse wena o senyegile.” Le a bona? “O robaletše eng go dikologa fa? Gomme ga o dire selo. Mošemane yola o dira mošomo ohle gomme o mmolaiša tlala seripa go hwa. O na le mm—mm mme wa mohlogadi le kgaetšedi wa go tlaišega, gomme ka gona o mo dumelitše go ba le tolara . . . ditolara tše pedi le disente tše masomeseswai ka kgwedi.” Ke rile, “O tla buna letšatši le lengwe bakeng sa seo! Go na le milione tše pedi tša makgowa le e ka ba milione tše lekgolo tša makhalate. Le tla ba le dikhuduego.”

O rile, “O se ke wa bolela seo ka Amerika, se se diregago mo.”

²⁰⁸ Ke rile, “Ke mang a yago go mpotša go homola? Modimo a nnoši.” Ke rile, “Ga go makatše batho ba ne letswalolemolato, go swarwa ka mokgwa woo.” [Lefelo la go se be le selo godimo ga theipi—Mor.] Ke lena bao. Gomme ke ba tšeetše godimo.

²⁰⁹ Letšatši le lengwe badiredi ba mmalwa, dikholoro di retologile go dikologa, maledu a mannyane, ba tlile godimo ka Rhodesia.

²¹⁰ Mofofiši yo monnyane wa kgale yo motala o mphofiseditše ka go ona madimo a tropiki, morago o ile dimaele tše pedi go lebega eke, godimo ka moyeng, a pokapoka tikologong. Re be re sa tsebe ge eba se be se le godimo ka fase; sefofane se dikologa gape le gape. Gomme mafelelong se . . . Re be re sa tsebe ge eba se be se eya fase goba godimo. Gomme mafelelong se ile sa re lahlela ka godimo ga ledimo. Gomme ke be ke babja kudu ka mogodung wa ka ge re tlogile!

²¹¹ Ba mmalwa ba badiredi bao, badiredi ba Pentecostal, ba nametše ka koloing gomme ba be ba nkiša tlase Pretoria. Ke ttile tlase go tšwa Borwa bja Rhodesia; gomme ke ile tlase fale gomme ke be ke babja, go le bjalo. Gomme Ngwanešu Baxter a dutše fale, a babja, le Billy Paul, a babja. Gomme fa re be re otlela thwi go theoga go kgabola lefelobodulo; fao ke mo batho ba makhalate ba dirago se sengwe ba swanetšego go tlogela morafe wa bona, sebe tsoko sa semorafe, gomme ba tla ka kua. Gomme ba ka se ba dumelele go tla ka toropongkgolo, kafao ba no phela ka tlase ga thini goba e ka ba eng ba kgonago, ditšhila kudu le dilo, ke therešo. Gomme fao ba ile tlase go kgabola kua, gomme ke bone leswao fao, le re, “Dimaele tše masomepedi ka iri.” Gomme bona monna o be a eya dimaele tše masometshela tlhano ka iri. Bona bomme ba go tšofala ba go šokiša ba kitmela ntle kua ba tlimarela ona masea a mannyane, digokgolana tše nnyane, di hlobotše, ntle kua mokgotheng gomme go tloga e ka ba mengwaga ye mebedi bogolo godimo go ya go ye mehlano goba ye tshela; ba tlimarela bona baisa ba bannyane, le go goeleta. O ttile gabotse kgauswi le go bolaya ba bane ba bona ka nakoe tee.

²¹² Ke mo kgwathile legetleng, ka re, “Hei! Molato ke eng ka wena?”

O retologile go dikologa, a re, “O boletše eng?”

²¹³ Ke rile, “Ke rile, ‘Bothata ke eng ka wena?’ Nenekiša selo sela!”

O rile, “Re na le ditaelo go go tliša kua ka nako.”

²¹⁴ Ke rile, “Ke go fa ditaelo go e emiša.” Gomme o rile . . . ke rile, “A ga o na maikutlo go bona batho?”

“Batho bafe?”

Ke rile, “Bona masea a mannyane ntle kua o nyakilego go a thula.”

O rile, “Tšeо ke Dikafuru!”

²¹⁵ Ke rile, “Dihlong go wena! O ipitša wenamong Mokriste?” Ke rile, “A ga o tsebe mme yola o naganne bontši ka lesea la gagwe, ge o ka be o le bolaile, bjalo ka ge mmago a ka be a naganne ka wena?” Ke rile, “A ka no ba a sa tsebe le go se rutege, eupša lerato la mme le llela lesea la gagwe ntle. Ga o na le taba ya go dira selo sa go swana le seo. Gomme o ipitša ka bowena . . .” Ke rile, “Selo se sengwe, leswao lela le rile ‘dimaele tše masomepedi

ka iri,’ Beibele ya ka e rile, ‘Neelang Kesare se e lego sa Kesara.’” Gomme a thinya hlogo ya gagwe. Ke rile, “O e nenekiša go ya go dimaele tše masomepedi ka iri le go swara bona batho boka ba be ba le ngwaneno.” Ke rile, “Dihlong go wena, e ka ba eng boka seo.” Oo, nna, ba be ba kokomogile bjalo ka digwagwa di eja dintlhwamakhura! Eupša e be e sa dire phapano ye e itšego, ke na le lentšu la ka ka gare, letswele la ka.

²¹⁶ Gomme re ile go dikologa fale gomme batho ba tsebile gore ke be ke le bakeng sa bona, go ba tlišetša mo—mo Molaetša wa Ebangedi. Gomme Modimo . . .

²¹⁷ Ba tlie ka gare kua, gomme ba ba hlakanya, gomme ba bea makgowa godimo ka lehlakoreng le le letee, gomme makhalate, gomme fale makhalate eibile ba be ba sa kgone go bolela lentšu le tee go bona, goba selo. Moya wo Mokgethwa o tla ya ntle magareng fale le go tliša balwetši le batlaišwa le digole, le go ba fodiša, gomme ba ba dira ba dule godimo fa ka go lefelo la bona le legolo la maemo a fase le agilwego godimo kua. Go bontšha ka fao Modimo a šomago le ba go kokobela ka pelong!

²¹⁸ Bjale, yoo ke motho ga se a amogela Molaetša le bjale gomme o ngwala puku yeo.

²¹⁹ Bjale, ke swanetše go dira eng? Selo, ke swanetšego . . . A—a ke swanetše go boela fale? Bjale, ge Modimo a mpitša go ya boebangeding, gona nka se kgone go ba mmoni wa Gagwe le moebangedi ka nako ya go swana. Le no . . . e . . . Diofisi di ka se hlakane, ke—ke no . . . Ke lwa le phefo. Ge eba ke eya go ba moebangedi, ke tla swanelo go ba moebangedi. Ge eba ke ya go ba mmoni wa Gagwe, ke tla tloga go ya dithabeng felotsoko le go dula kgole; go se nago kereke, go se nago phuthego, go fihla ke ekwa go tšwa go Morena; gomme ke gatela ntle le go O fa, le go gatela morago gape. Le a bona? Se tee sa dilo tše, se kalwa mo sekaleng. Goba e ba gore go fedile. E swanetše go no ba se tee sa dilo tše tše tharo, go nna. Molaetša o fedile goba e ka ba gore ke swanetše go hwetša ye nngwe ya dilo tše pedi go dira. Ga ke tsebe ke dire eng.

²²⁰ Bošegong bja go feta ke lorile toro, gomme ke lorile gore ke be ke eya kopanong, gomme ga se nke ka bona sehlopha se sebjalo sa batho! Ba be ba kgobokane boka setediamo se segolo, bokgole bjo ke kgonnego go bona. Gomme yo mongwe o tlie ka morago ga ka yoo a bego a se Billy, gomme o nkišitše tlase. Gomme ke be ke le ka kamoreng, ke rapela, gomme ke be ke etla go . . . ka tlase ga tlotsö; mohuta wa ka gare boka ba e bitsa, go go dira o kwešiše, boka kere go ya moo ke kgonnego go ikwela gore e be e eba tlhatho. Gomme tseleng go theoga moisa o thomile go bolela le nna gomme, ge a dirile, tlhatho ya tloga. Ga se ke kgone go e kwa. Gomme gona ke lekile go ikgogela ka bona morago ka go yona; ga se ke kgone go e dira. Ke nno se kgone go e dira. Gomme ka lapa.

²²¹ Gomme ka thoma go lebelela lešaba ge le otletše godimo. Gomme ge ke dirile, ka re, “Gabotse, ke na le sehlogo ka monaganong wa ka gore ke a tseba gore mekgatlo yeo le ka tsela ye ba swarago batho, gona ke ya go rera Ebangedi yela feela ka mokgwa woo go bona ka maatla ka mo nka kgonago.” Gomme ge ke sepeletše sefaleng, yeo e ntlogetše.

²²² Ga go tlhatho, ga go o tee wa melaetša yeo; gomme ke eme kua, gomme efela batho ba be ba letile. Gomme ke rile, “Ke tla dira eng?”

²²³ Gomme Sengwe se rile, “E no ya pele. E no ya pele, le a bona,” e tla fela ge ke fihla kua. “E no tswelapele o eya pele.” Le a bona? Nako yeo ke be ke le thwi fale mo sefa- . . . gomme ke phafogile.

²²⁴ Go ka no ba ka gobane ke be ke nagana ka seo, ke lorile toro ye bjalo. E ka no ba seo. E ka no ba toro ke semoya. Ga ke tsebe. Ga ke na le tlhathollo ya yona, ga—ga ke tsebe gore e ra eng. Ke no se kgone go le botša gomme ga—ga ke tsebe gore ke eng. Eupša, e ka ba eng e lego, ke mo magahlanong a tsela felotsoko. Le a bona? Go na le se sengwe, se sengwe felotsoko.

²²⁵ Gomme nka—nka bolela selo se tee, gomme ga ke kwešišwe kudu. Goba go bolela ka tsela *ye*, ke . . . ke ka tsela *ye* goba ka tsela *yela*, yo motee o e hwetša ka tsela ka lehlakoreng *le*. Gomme tsela *ye* e lego, o bolela se sengwe thwi go otlologa go ya ntlheng, gomme yo mongwe o E kwa ka tsela *ye*, kafao o botša yo mongwe gomme o e sekamiša kgojana gannyane, gomme yo mongwe o sekama kgojana gannyane, wa go latela kgojana gannyane, gona E ile thwi ka ntle ga tlhokomelo. Yo motee o E kwa ka tsela *ye* nngwe *ye*, o ya ka tsela *ye*, ka tsela *yela*, le ka tsela *yela*. Le a bona, gomme o a tloga. Gomme ke ka tsela *yeo* go lego ntle ka—ka dikopanong, le go ya pele, ge ka kgonthe o otlela thwi go ya Lefelong. Bjale, Bakgethiwa ba tla kwa Lefelo leo. Ba hwetša Lefelo lela! Ba a tseba, ka gore ke boletše feela tlwa se se bego se era (Le a bona?) ka mokgwa woo, feela Molaetša, feela tlwa.

²²⁶ Bjale, gomme seo ke se ke se bolelagoo, go bonala eke go na le go se kwešiše gabotse kudu nako yohle, kgafetšakgafetša. Ke eng? A . . . A ke bjetše Dipeu tšohle tše di swanetšego go bjälwa? A nako e batametše? A motseta yo mogolo yo o lokišetša go gatela tiragalong thwi bjale? A go tla ga Morena go kgauswi? A e bitša go tloga nageng ye go ya go ye nngwe? A O mpiditše go tšwa boebangeding?

²²⁷ Elelwang ke . . . ke e diragaditše go mosadimogatša. Bontši bja lena ka pukung . . . Letšatši le ke beilego letlapa lela la sekhetlo kua, e ka ba mengwaga ye masometharo ya go feta, thwi fao sekhetlong, le boletše ka kua . . . Mosong wola ge A ntsošitše, gomme ke be ke dutše ka kamoreng fale, ebile pele nka tsoge ka nyala goba e ka ba eng, feela moreri wa mošemanee, O rile, “Dira mošomo wa moebangedi. E sego . . . O be o se moebangedi, eupša dira mošomo wa yo motee,” a tsopola Lengwalo go nna. Ge ke

kitimela tlase gomme ka bona yona mehlare ye mebedi, ka roba o motee go tšwa *mo*... oneness le thrinithi. Ga se ka tsoge ka di fapaanya, ke di bjetše ka mokgwa woo. Nako yeo O bone kenywa e wela ka seatleng sa ka gomme morago a nthwalela Khalibari. Bjale theetšang, O rile, “Ge o tšwela ka ntle ga se, bala Timotheo wa Bobedi 4, Timotheo wa Bobedi 4.”

²²⁸ Gomme E ntlogetše ke dutše ka kamoreng. Ebile ga se ke tsebe e be e le pono. Ga se ke tsebe ke e bitše eng nako yeo. Ke be ke bea letlapasekhutlo (letšatši leo) la motheo fao. Go ngwadilwe, go letše thwi fale ka go letlapasekhutlo lela bjale, le go re:

... *dira mošomo wa moebangedi, dira netefatšo ya go tlala ya bodiredi bja gago.*

Ka gore nako e tla tla ge ba ka se kwe thuto ya kgonthę; eupša ka morago ga dikganyogo tša bona beng ba tla... ikgobokeletša ka bobona mmogo go ruta—barutiši, go ba le ditsebe tša go hlohlona;

... gomme ba tla retollwa go tloga Therešong *go ya go dinonwane.* (Tšeо ke bobedi oneness le thrinithi, ba hlailwe ke...)

²²⁹ Bjale, ga se nke A re “o moebangedi,” O rile, “*Dira mošomo wa yo motee.*” Le a bona? Bjale, a nako e tlide? A nka tšwelapele ka yeo goba a nako e tla tlela se sengwe gape? Seo ke sa se tsebego.

²³⁰ Seo ke se ke bego ke se nyaka, polelo ya pelo go pelo le lena. Gomme ke fetile nako ya ka gonabjale, go le dira le ye, maswabi go le swarelela botelele bjoo.

²³¹ Eupša, ge Morena a rata, feela pele Ngwanešu Boze a etla Lamorena, Nka no tla tlase Lamorena mosong gomme ka bolela ka thuto ye ya *Boebangedi bja nako ya Mantšiboa*, goba se sengwe boka seo, le a bona, ge go lokile ka lena, modiša. [Ngwanešu Neville o re, “Gabotse! Tumišang Modimo!”—Mor.] Morena ge a rata, Lamorena le le latelago mosong. Gomme ke be ke eya go bolela ka seo bošegong bjo, gomme ke be ke eya go ba le polelo ya pelo go pelo mohlomongwe nako ye nngwe, eupša ke ikwela gore go tla ba kaonana ka tsela ye, mohlomongwe, le a bona, ge yeo e le thato ya Morena.

²³² Ke a le rapediša. Lena nthapedišeng. Feel a le se—le se re, “Ngwanešu Branham, ke tla dira.” O a e dira! Le a bona? Ke itshamile ka seo. Ke nna yo motee yo a hlokago thapelo, ge A ka kgona go ntšunyetša felotsoko. Elelwang, ke nna motho, ga se nna Modimo. Ke no ba motho boka le le, go leka go hwetša thato ya Modimo gore ke kgone go sepela ka go yona. Ga go yo motee a ka kgona go tseba go fihla... “Gomme yo a hlaelelagoo bohlale a nke a kgopele Modimo.” Gomme seo ke se ke se dirago, go kgopela Modimo. Gomme ke no bea seo go lena bjalo ka kereke ya ka, polelo ya pelo go pelo. Ke eng, re kae? Re eme kae? Ke iri

efe re phelago ka go yona? Re mo nakong ya bofelo, ke a dumela. Ke a dumela re thwi mo mafelelong.

²³³ Bjale, e ka kgona go retologa tsela ye tee goba ye nngwe. Kafao le... E ka ba gore mošomo wa ka o fedile, goba ke bileditšwe mašemong mošola, goba e ka ba O tla dira moebangedi goba mmoni. Ye nngwe ya dilo tšela e swanetše go direga, gobane ke bofelong. Ga ke tsebe ke dire eng. Ga ke tsebe ke ye ka tsela efe. Ebile le dikopano tše, tšeō ke di batamelago, ke be ke rapela, ke rile, "Morena, ga ke ye go dira bjalo ka ge ke bile. Ke ya go e batamela boka ke dirile morago kua, ke tla wela morago go boebangedi bjola feela go fihla O mpha pitšo yela bakeng sa se ke swanetšego go se dira."

²³⁴ Ke—ke bjetše Peu mogohle, ditheipi di ile lefase ka bophara, Melaetša ya ka e ile go dikologa lefase, dikereke tšohle di tseba ka ga Ona, go dikologa mogohle, le se Tate a se kgethilego O tla se bitša. Le a bona?

²³⁵ Gomme bjale go lebega o ka re E ba sekgori go bona. Oo, ga ba nyake selo go dira le Ona. Aowa, mohlomphegi. A nka no ya pele le go rapelela balwetši, le molaetša wo monnyane wo bonolo godimo ga woo, gomme—gomme ke bone ka tsela ye Moya wo Mokgethwa o ntlhahlago? Seo ke se se lego ka monaganong wa ka go dira go fihla A dira pitšo ye nngwe. Ka gore monna ga a tsebe se a swanetšego go se dira go fihla a kwešiša go tšwa go Modimo se a ka se dirago, go fihla o hwetša boemo bja gago.

²³⁶ Gomme ga—ga ke nyake go dula tikologong ya ntlo. Molaetša wo o pelong ya ka. Batho ba a hwa, ba a wa, ba ya ntle ka go Bokagosafelego. Nka dira eng? A nke ke O thunyetše mogohle nka kgonago, gomme ke bolele ka ga Morena Jesu go fihlela A fetola maemo. Lena nthapedišeng, ke tla le rapediša. Ke a holofela le dira seo.

²³⁷ Bjale, elelwang Laboraro bošego, kopano ya thapelo, le Labohlano bošego, kopano ya banna. A e ya go ba mo? Nka no ba ke le tlase go le bona bohole, ke le boditše ke tla tla le go le bona ka Labohlano bošego. Go lokile, gona ka Lamorena mosong, Morena ge a rata, ke ya go bolela ka *Boebangedi bja nako ya Mantšiboa*, ge Morena a rata; a ka le fetola, ga ke tsebe. Eupša seo ke se ke naganago ka sona gonabjale, mohuta wa baebangedi o tla ba nakong ya mantšiboa. Gomme ka gona Lamorena bošego, filimi ya Ngwanešu Boze, gomme elelwang yeo bjale. Gomme re rapedišeng, lebaka la beke ya go latela re betha tšhemmo ya puno, Morena ge a rata.

Le a Mo rata? Amene!
A le tla Mo direla? Amene!
A le tla Mo dumela? Amene!
Amene! Amene!

Yena ke Tate. Amene!
Yena ke Morwa. Amene!
Yena ke Moya wo Mokgethwa. Amene!
 Amene! Amene!
Re sa opela. Amene!
 Amene! Amene! Amene! Amene!
Le a Mo rata? Amene!
A O etla? Amene!
A le komana? Amene!
 Amene! Amene!
Go ka kgona go ba bošegong bjo, a le komana?
 Amene!
Mosong, a le komana? Amene!
Nako e ka ba efe, a le komana? Amene!
 Amene! Amene!
Re sa opela. Amene!
Le go goelela. Amene!
Le go rapela. Amene!
 Amene! Amene!
Etla Morena Jesu. Amene!
Lokiša Kereke ya Gago. Amene!
Re a itokiša. Amene!
 Amene, Amene!
Ke nyaka go bona mme wa ka. Amene!
Ke nyaka go bona tate wa ka. Amene!
Ke nyaka go bona Mophološi wa ka. Amene!
 Amene! Amene!
Oo, a le a Mo rata? Amene!
A le tla Mo direla? Amene!
Le a Mo rata? Amene!
 Amene! Amene!

²³⁸ Tate wa rena wa Legodimong, ye ke ya rena... pina ye nnyane ya *Amene*. Re rata thuto ya Gago, bohle re re “*Amene!*” Re rata Moya, “*Amene!*” Re a dumela O etla, “*Amene!*” Lentšu le lengwe le le lengwe leo O le bolelago ka Beibeleng ya Gago, Morena, re Le feleletša ka “*Amene!*” Re dumela Lentšu le lengwe le le lengwe la Lona, go Le ruta feela bokaonekaone bja tsebo ya rena, feela ka tsela ye Le ngwadilwego, leswao le lengwe le le lengwe, leswaokopana lelengwe le le lengwe, sekgao se sengwe le se sengwe, fegelwana ye nngwe le ye nngwe, feela ka tsela ye Le ngwadilwego, go ya ka tsebo ye kaonekaone ya rena.

²³⁹ O Modimo, bušetša go rena, Morena. Re fe kgotsofalo ye kgolo yeo re e hlologelago, gore rena letšatši le lengwe re tla kwa go gala ga Barongwa ge ba šwahlala pele ka go khorase ya Haleluya mo lefaufaung, ge Jesu a tla bonagala mošola gomme Kereke e tla ubulelwaa godimo.

²⁴⁰ Basedumele ba tla makala, “Go diregile eng, bothata ke eng ka bona batho? Ba ile kae?” O Modimo, ba ka se kwešiše, ebile ba ka se Mmone. Eupša Kereke e tla Mmona, ke gore, babiletšwa ntle, Bakgethiwa, batswalwagape, ba tla no timelela. Ba ka se tsebe moo ba lego, ba no tseba ba timetše; ba tla ba le Morena wa bona.

²⁴¹ Ka gona ka nako yeo, Morena, a e be e ka se be selo sa go befa go tlogelwa mo, go tsebeng gore nako ya phološo e fetile? Ga go sa na topollo! Lengwalo le rile, “A yo e lego wa ditšila a fele a le ditšila, a yo e sego yo mokgethwa a fele a se yo mokgethwa.” Oo, a iri ye e tla bago!

²⁴² A nke re lokiše bjale, Morena. A nako ya go makatša e tla bago yona ge re ka no lokišetša go kopana le Wena, Tate, gomme ra lokiša dipelo tša rena letšatši ka letšatši. Gomme ge re dira phošo le go wa, boka soulo ye ya go šokiša e ngwadilego ka go potšišo ye lehono, a nke ba tsebe gore Madi a Jesu Kriste a hlwekiša sebe sohle. Motho yoo ga a re go dira seo, Morena. Ba swerwe ke tlala le go nyorwa, ba leka go tla morago godimo ka kopanelong yeo ya Moya. Ba tliše godimo, Morena. Ba phagamišetše ka godimo ga le la go ba maru, lefase la leutu; godimo, moo Phadimo ya letšatši e kgonago go phadima godimo ga disoulo tša bona gape. Ba wetše fase ka tlase ga bo-bo-bo bogomapono bjo bogolo bja—bja maru, gomme ba fase ka lerageng, fase ka sebeng sela. Eupša gatee ba phetše godimo kua ka seetšeng sa Letšatši. Ba—ba nyaka go ya morago gape, Morena. Ba tseele morago bošegong bjo, Morena. Gomme ge go na le ba bangwe mo ba sego ba ke ba hlatsela go beng godimo kua, le go tseba gore . . .

²⁴³ Dimisaele tšohle tše le se sengwe le se sengwe di no ba tlwa go ya ka Lentšu la Gago, feela tlwa ka tsela ye dilo di swanetšego go direga. Gomme re bona gore kereke ya lefase ka fao ba dirilego. Re—re bona feela—feel a boka go bile matšatšing a Noage, feela boka go bile ka matšatšing a Sodoma, feela tlwa se Jesu a rilego se tla direga; maphoto a phulawatle; ka fao basadi ba tla sepelago le go apara, le ka fao ba tla bago gojaleonyane, le—le go sepela ka tsela ye ba dirago le go sasanka le go menekana, le go ya pele . . . feela tlwa se moprofeta a se boletšego. Feel a se Daniele a se boletšego, “Tshipi le letsopa di be di sa kgone go dumeliana mmogo.” Gomme, oo, se sengwe le se sengwe, se phethagaditšwe, Morena. Re thwi mo nakong ya bofelo. Meriti e a wa, Morena. Mabone a mahubedu a a pekenya, dipele di a lla.

²⁴⁴ O Modimo, dira batho ba Gago go lemoga gore ka pela Morongwa o tla bea leoto godimo ga naga le lewatle le go phagamišetša diatla tša Gagwe godimo le go re, “Nako e ka se sa ba gona gape!”

Gona O, a go lla le go golola,
Ge balahlegi ba botšwa ka tshenyego ya bona;

Ba tla llela maswika le dithaba,
 Ba tla rapela, eupša thapelo e thari kudu.

²⁴⁵ Bjale ke letšatši la phološo. “A nke yo a nago le tsebe a kwe se Moya o se botšago dikereke.” E fe, Morena.

²⁴⁶ A nke go se be le motho yo motee mo a timelelago ka letšatši leo la Thatlogo. A nke re tlatšwe kudu ka lerato la Modimo le Moya wa Modimo go fihla Moya wo Mokgethwa o tla re swara go tloga le ba letilego, goba ebile ge re tla khutša ka go bontši bja rena. Bjalo ka ge O boletše go Daniele, “Eya ka tsela ya gago, Daniele, gobane o tla khutša. Eupša mo letšatšing leo o tla ema legatong la gago.”

²⁴⁷ O Modimo, O rile, “Bao ba bušeditšego ba bantši go... go tšwa sebeng go ya tokong ba tla phadima go phala dinaledi go ya go ile le go ya go ile.” A letšatši! Eupša bona ba babe ba tla retollelwaa go ya tshenyegong. O Modimo, dira motho go lemoga maemo a bona feela bjale ka bophelong, gore ba ke ba retologele go Yena Moloki pele go eba thari kudu neng le neng. E fe, Tate.

²⁴⁸ Bjale ka dihlogo tša rena di inamišitšwe nakwana feela, ka go thapelo ya go tswalela, a fao go ka ba yo motee wa go rata go gopolwa, a re, “Ngwanešu Branham, ke emiša seatla sa ka, e sego go wena eupša go Modimo. A nke Modimo a be kgaogelo go nna gomme ke tla ba gona ka letšatši leo, ke hlatswitšwe ka Mading a Kwana”? Modimo a go šegofatše. Modimo a go šegofatše, wena, wena, wena, diatla tše ntši.

²⁴⁹ Bjale, Tate wa Legodimong Modimo, šegofatša yo mongwe le yo mongwe, yo mongwe le yo mongwe. O bone diatla tša bona. O tseba dipelo tša bona.

²⁵⁰ Gomme re a lemoga, Morena, gore re... se sengwe se lokela go direga. Lefase le a e tseba, ba opela dipina, gomme thelebišene e phatlogela pele ka metlae ya megalatšhika le dikoša. Ba dira eng? Boka mošemane yo monnyane a letša molodi ka leswiswing, a feta kgauswi le serapa sa mabitla, a tšhogile go iša lehung, a leka go šedila megalatšhika ya gagwe ka go letša moldi. O no be a itlaetša yenamong. Kafao setšhaba se se no ba se sega, se dira metlae, se raloka, bjalo ka ge Le boletše gore nako e tla tla ge ba tla dira seo, “Ba tla hlanogela Therešo go ya go dinonwane,” le ka fao gore “mo matšatšing a mafelelo go tla ba bakweri le basegi,” le ka fao diilo tše di tla bago nakong ya bofelo, “hlogothata, monagano wa godimo, ba na le sebopego sa bomodimo, ba retologa go tloga go Therešo,” gomme re a e bona gonabjale.

²⁵¹ O Modimo, tsoša batho! A nke ba lemoge gore ba ka kgona go netefaletšwa thwi bjale gore ba fetile lehung go ya Bophelong. Ge re amogela Kriste, Moya wo Mokgethwa, re no rotoga ka godimo ga lefase. Gona re a tseba re šetše re tsogile le Yena, gomme re no be re letile bakeng sa phetogo yela moo lehu le tla kgaotšago ka go dikgao tša go hwa, mabilo a mannyane a a bophelo bja go hwa

ao a dikologago ka dikwing tša rena, a tla lopollwa. O Modimo! Gomme ka gona re tla ba le mmele boka wa Gagwe gomme re tla phela Kagosafelego le Yena, Naga ye kgolo ya tshepišo, re na le Bohlatse.

²⁵² A nke go se be yo a e fošago, Morena. Bao ba phagamištšego diatla tša bona, a nke ba swiele (bošegong bjo) ka Mmušong. Mohlomongwe ge ba eya gae, mohlomongwe monna o re go mosadimogatša wa gagwe, “Morategi, se sengwe se mpethile bošegong bjo”; goba mosadimogatša a re go monnamogatša, “Hani, ke—ke ikwela ka mokgwa wa go se tlwaelege.” “Ee, morategi, a re khuname mo ka lehlakoreng la malao. Ga se ra ke ra tsoge ra dira se pele, eupša a re rapele bošegong bjo. A re kgopele Modimo go ba le kgaogelo go rena le go re kgobela. Ke a go rata, moratiwa.”

²⁵³ Gomme yo—yo mongwe, monna o re go mosadi, le ka fao ba ratanago seng sa bona, “Ke—ke—ke nyaka go ba ka Legodimong le wena. Ga ke nyake go e foša. Gomme letšatši le lengwe ge re amogetšwe Gae gomme ke tla go tšeа ka letsogo le go sepela tlase go kgabola mekgoba ye megolo le dirapana tša Gosafelego, moo kwana le—le tau di tla bego di robetše mmogo, gomme phiri le kgo—kgo kgomo di tla robala mmogo. Gomme go ka se sa ba lehu le manyami gape. Gomme ge re sepela go theoga go kgabola kua gomme dikoša di tletše moya, tša Barongwa, dikhorse ka godimo ga rena, ge Barongwa ba re amogela Gae, ke nyaka go ba le wena fao, morategi. Ke—ke a go rata. Mohlomongwe o a tšofala, ke go elelwa ge ke be ke go nyala, sefahlego sa gago se sennyane se sebotsana.” “Gomme—gomme wena, gomme ke a go gopola, morategi, ge o be o le monna yo moswa wa sebolepego.”

²⁵⁴ Eupša tšohle tše di tla bušetšwa. Yo a pentilego sefahlego sa gago se sebotse nako ye nngwe o na le se—se sebolepego sa sona ka monaganong wa Gagwe. A ka kgona go se penta gape godimo mošola moo se ka se tsogego sa timelela. O Modimo, dira batho ba tsebe gore ye ga se toro ya nonwane, eupša ke—ke Therešo, gomme Modimo, Moya wo Mokgethwa, o fa go bea bohlatse. Lentšu la Gagwe tlase go kgabola mabaka le boletše ka lona. A re lebeleleng morago gomme re bone, re bale histori ya rena. Gomme motho e ka ba mang yoo a kilego a ra se sengwe mo lefaseng ke motho, motho wa go boifa Modimo, ebile le go Dipresitente tša rena boka Washington, Lincoln, le go ya pele, boJoshua, le—le bjalo . . . boMoshe, le bao ba . . . Monna yo mogolo wa lefase e bile monna yo a dumetšego ka go seo, gomme ba tswaletše bopaki bja bona, le go letela tsogo yela mošola. Re ne dikenywa tša mathomo tša yona, Tiišetšo.

²⁵⁵ Ke a rapela bjale gore ka thapelo ya ka O tla amogela batho ba le thapelo ya bona le go ba tšeela ka Mmušong. Re e kgopela Leineng la Jesu. Amene.

²⁵⁶ Modimo a le šegofatše, humang ka kgaogelo go lena, a dire sefahlego sa Gagwe se phadime godimo ga lena, gomme a le boloke, le go le šegofatša ka go ditšhegofatšo tšohle tša Magodimong.

²⁵⁷ Bjale ke boleta se, e sego sehlogo, eupša sa lerato. Ke a rapela gore lena ba le sa Mo tsebego, gore mosamelo wa lena o tla ba bothata kudu go fihla le ka se kgone go robala gape, dijo tša gago di tla ba tšhila kudu go fihla o sa kgone go ja gape, go fihla o ngwegela ntle ka lehlakoreng felotsoko gomme wa re, "Morena, nkgaogelege." Seo ga se go duma e ka ba eng ya phošo go wena. Seo ke sa bakeng sa bobotse bja gago, ngwanešu, kgaetšedi. Ke no rapela gore go tla ba ka tsela yeo go wena.

Go fihla re kopana! go fihla re kopana!
 Go fihlela re kopana maotong a Jesu; (go fihlela
 re kopana!)
 Go fihla re kopana! go fihla re kopana!
 Modimo a be le lena go fihla re kopana gape!
 Modimo a be le lena go fihla re kopana gape!
 Ka tlhahlo keletšo ya Gagwe, o go thekgile,
 A ratha maphotho a go tšošetša pele ga gago;
 Modimo a be le lena go fihla re kopana . . .

²⁵⁸ Bjale bakeng sa nako ya kgale, a re šikinyeng diatla le yo mongwe bjale.

Go fihla re kopana . . .

Morena Jesu, dira . . . ? . . . ka moka, tloša tshwaetšo gomme o mo fe gohlamatsega, Morena, ka la Jesu Leina.

Go fihlela re kopana maotong a Jesu; (go fihlela
 re kopana!)
 Go fihla re . . . ? . . .
 Go fihla re . . .
 . . . go a Jesu' . . .

²⁵⁹ Le a elelwa re be re tlwaetše go opela dipina tše? A re . . . Gomme e nngwe yeo re bego re tlwaetše go e opela, mengwaga ye metelele ya go feta, ga ke tsebe ge eba go na le ba itšego mo goba aowa, ge re be re tlwaetše go tšoena diatla tikologong ya setofo sa kgale mo, le leraga lebatong. Le elelwa seo? Re be re opela:

Re a matšha go ya Tsione,
 Tsione ye botse, ye botse;
 Re matšhetša godimo go ya Tsione,
 Toropokgolo ye botse yela ya Modimo.

²⁶⁰ Le a tseba ka go Mileniamo se Tsione e yago go ba? Go tla ba le Seetša mo Tsione, gomme e tla ba moriti go tloga letšatšing nakong ya mosegaré le bjalo ka Seetša bošego, gobane go ka se be bošego fao. Oo, nna!

Mašemo a Tsione a hlagiša
 Mabose a sekete a makgethwa
 Pele re fihla Teroneng yela ya Legodimo,
 Pele re fihla Teroneng yela ya Legodimo,
 Goba go sepela mekgotha ya gauta,
 Goba go sepela mekgotha ya gauta.

Bohole mmogo bjale:

Re a matšha go ya Tsione,
 Oo, ye botse, botse Tsione;
 Re matšetša godimo go ya Tsione,
 Toropokgolo ye botse yela ya Modimo.

²⁶¹ Ke no rata yeo, ke no nagana go botse kudu. Bjale, a ga le rate tšona dipina tša nako ya kgale? Ke nagana gore ka moka go kaonana kudu go feta dilo tše tša go rengwa godimo tše re nago natšo lehono di bitšwago dipina. Ke no rata yeo. Gomme ke be ke fela ke opela pina ya kgale ka kerekeng, le a elelwa:

Sekgoba, sekgoba, ee, fao go sekgoba,
 Go sekgoba sa gago Mothopong.

²⁶² Oo, nna! Tše botse tšela, dipina tša kgale, ke a dumela pene e be e hlahlwa ke Moya wo Mokgethwa, yo a ngwadilego tšona dipina.

Kgauswana, le Modimo wa ka, go Wena,
 kgauswana le Wena!
 Ebile le ge e ka ba sefapano seo se mphagamišitšego.

²⁶³ Efela, Charles Wesley le bona bangwadi ba bagolo bao ba ngwadilego dipina tše ka mokgwa woo, bona bareti. Ke mo go botse, ke no nagana di gabotse kudu. Gomme ka gona re be re fela... Le elelwa yeo:

O Naga Beulah, Naga Beulah ye bose
 Bjalo ka thabeng ya godimodimo ke emago,
 Ke lebelela kgole go kgabaganya lewatle,
 Moo O ntokišeditšego dintlokgoparara.

²⁶⁴ Le elelwa lekga la mathomo leo Morongwa yola wa Morena a bonagetšego tlase nokeng? Re be re opela:

Godimo ga maši a ledimo a Jorodane ke a ema,
 Gomme ka lahlela leihlo la go duma,
 Go naga ye botse ya lethabo ya Kanana,
 Moo dithoto tša ka di robetšego.

Ke tlementšwe naga yela ya tshepišo,
 Ke mang a tla tlago le go ya le nna?
 Ke tlementšwe naga yela ya tshepišo.

²⁶⁵ Ge re be re opela yeo, Segalontšu se goeleditše go tšwa lefaufaung, gomme mo go tla Pilara yela ye kgolo ya Mollo e dikologa thwi tlase le go re, “Bjalo ka ge Johane Mokolobetši

a romilwe go bula madibogo ga go tla ga Gagwe la mathomo, o na le Molaetša wo o tlago go bula madibogo a ga Bobedi.” Lebelelang mo a ilego. Yeo ke mengwaga ye masometharo tee ya go feta. Lebelelang moo E ilego go tloga nako yeo, go dikologa lefase ka mollo wa tsošeletšo. Gomme bjale re e bona e fola. Nako e batametše.

²⁶⁶ A re inamišeng dihlogo tša rena bjale, go gopola ditsebišo tšohle.

²⁶⁷ Modisi yo mogolo wa mohlape, yoo re lebelelaggo go mmona a etla letšatši le lengwe, dipelo tša rena di hlohogetše iri yeo ge re tla Mmona. Letšatši le lengwe O dula godimo ga thaba gomme O rutile batho ba Gago, O rile, “Rapelang ka mokgwa wo:”

Tate wa rena Yo a lego Legodimong, Leina la
Gago a le Kgethege.

Mmušo wa Gago a o tle. Thato ya Gago
a e dirwe lefaseng, bjalo ka ge e dirwa
legodimong.

Re fe letšatši le borotho bja rena bja tšatši ka
tšatši.

Gomme re lebalele dikarogo tša rena, bjalo
ka ge re lebalela bao ba nago le dikarogo
kgahlanong le rena.

Gomme o se re hlahlele ka go meleko, eupša o
re phološe go tšwa bobeng; ka gore Mmušo
ke wa Gago, le maatla, le letago, go ya go ile.
Amene.

²⁶⁸ Beibele e rile, “Gomme ba opetše sefela gomme ba
tšwela ntle.”

Tšea Leina la Jesu le wena,
Ngwana wa mahloko le madimabe;
Le tla go fa thabo le khomotšo,
Le tsee gohole mo o yago.

Leina le bohlokwa, O bose bjang!
Kholofelo ya lefase le thabo ya Legodimo;
Leina le bohlokwa, O bose bjang! (Go bose
bjang!)
Kholofelo ya lefase le thabo ya Legodimo.

²⁶⁹ A seo ga se kwagale gabotse? Nno emeolang gatee, feela yo
motee fa le fale, gomme le e theetše gape ge re opela:

Leineng la Jesu go a inangwa,
Go wa go ikala maotong a Gagwe, (Le a bona?)
Kgoši ya dikgoši Legodimong re tla Mo rweša
korone,
Ge leeto la rena le fedile.

Oo, a ga se botse? A re boneng:

Tšea Leina la Jesu le wena,
 Bjalo ka Kotse go tšwa molabeng wo mongwe
 le wo mongwe;
 Ge meleko go go dikologa e kgobokana,
 E no hema Leina le Lekgethwa leo ka thapelo.
 (Le a bona?)

O Leina le bohlokwa! A re e opeleng:

Tšea Leina la Jesu le wena,
 Bjalo ka Kotse go tšwa molabeng wo mongwe
 le wo mongwe;
 Ge meleko go go dikologa e kgobokana,
 Hema Leina le lekgethwa leo ka thapelo.
 Oo Leina le bohlokwa, (Leina le bohlokwa!) O
 bose bjang! (O bong!)
 Kholofelo ya lefase le thabo ya Legodimo;
 Leina le bohlokwa, O bong! (Bose bjang!)
 Kholofelo ya lefase le thabo ya Legodimo.

²⁷⁰ Bjale, ge re tla inamiša dihlogo tša rena, modiša wa rena
 o tla phatlalatša phuthego ka thapelo. Modimo a go šegofatše,
 Ngwanešu Neville.



DIPOTŠIŠO LE DIKARABO NST62-0527

(Questions and Answers)

SERISI K A BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Mei 27, 1962, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org